




BIBLIOTHECA
UNIV. JAGELL.
CRACOVENSIS

HALKONTI.

905724-
-905725

Mag. St. Dr.


II




905724-


-905725 II

Mag. St. Dr.





258



OFFICIA PROPRIA
PATRONORUM
REGNI POLONIÆ.

P E R

R. STANISLAVM SOKOLOVIVM
Serenissimi olim STEPHANI Poloniæ Regis The-
ologum, Canonicum Cracoviensem ex man-
dato Synodi Petricoviensis.

C O N S C R I P T A.

Auctoritate Illustrissimi Cardinalis
GEORGII RADZIVILI
Episcopi Cracoviensis,

E D I T A.

Iuxta ritum

*Breviarij Monastici pro omnibus sub
Regula S. P. BENEDICTI militantibus*

A C C O M M O D A T A.



CRACOVIÆ Typis IACOBI MATYASKIEWICZ S. R. M.
Typographi. Anno Domini 1721.

KALENDARIVM PATRONORVM REGNI POLONIÆ.

FEBRVARII.

6. **D**orotheæ, Virginis & Martyris *duplex.*

MARTII.

1. **A**lbini Confessoris & Pontificis *duplex in diœcesi Gnesnensi cum comm. Feriæ, si occurrat in Quadrage.*

5. Translatio S. Venceslai mart. *duplex cum comm. Feriæ.*

10. Cyrilli & Methodij Pont. & Conf. *semidupl. in diœcesi Gnesnensi fuit heri.*

17. Gertrudis Virginis *semidupl. in diœcesi Gnesnensi.*

APRILIS.

23. **A**dalberti Episcopi & martyris *duplex.*

M A I I.

2. **A**thanasij Episc. & Conf. *duplex cum commem. S. Sigismundi Regis & mart. & 12. lectione.*

4. Floriani militis & martyris. *duplex.*

8. Stanislai Episcopi & martyr. *duplex.*

I V L I I.

13. **M**argaritæ Virginis & martyris *duplex.*

15. Divisionis Apostolorum. *duplex.*

16. Andréæ & Benedicti Polonorum martyrum. *duplex.*

A V G V S T I.

HYacinthi Confessoris. *duplex cum commemoratione Octavæ Assumptionis B. M. V. Dominica proxima post festum Assumptionis B. M. V.*

Translatio S. Casimiri Confessoris. *duplex. Dominica prima post Octavam Assumpt. B. M. V.*

SEPTEMBRIS.

17. **T**ranslatio S. Stanislai. *duplex.*

28. **V**enceslai martyris. *duplex.*

OCTOBRIS.

10. **O**fficium Gratiarum actionis pro Victoria ex Turcis obrenta.

15. Hedwigis viduæ. *duplex.*

20. Translatio S. Adalberti. *duplex.*

21. Ursulæ & sociarū eius mart. *duplex.*

NOVEMBRIS.

12. **B**enedicti, Ioannis, Matthæi, Isaci atque Christini fratrum martyrum. *duplex.*

19. Elisabeth viduæ. *duplex cum comm. S. Pōnani Papæ & mart. & 12. lectione Stanislai Kostka Confess. duplex. Dominica proxima post xxiiii. Novēb.*

DECEMBRIS.

4. **B**arbaræ Virginis & martyris. *duplex.*

OFFI-



905725

II



OFFICIA PROPRIA PATRONORVM REGNI POLONIÆ.

DIE VI, FEBRVARII.

Sanctæ Dorotheæ Virginis & Martyris. Duplex.

ORATIO.

Indulgentiam nobis, quæsumus Domine, B. Dorothea Virgo & Martyr imploret: quæ tibi grata semper extitit & merito castitatis, & tuæ professione virtutis. Per Dominum nostrum.

In primo Nocturno Lectiones de scriptura occurrente.

In secundo Nocturno,

Lectio V.

Dorothea Virgo, in Cæsariæ Cappadociæ propter Christi confessionem ab Apricio illius Provincie Præfæcto comprehensa, Crisæ & Callistæ sororibus, quæ à fide desererant, tradita est, ut eam à proposito removerent. Sed ipsa eas reduxit ad fidem, propter quam in cuppam missæ & incensæ sunt; Dorotheam verò iussit Præses in catasta levare, quæ dixit ad illum; nunquam in tota vita mea sic lætata sum, sicut hodiè, tum ad eius latera lampades ardentes apponi, deinde faciem diutissimè cædi, tandem caput gladio percuti imperat. *R.* Propter veritatem.

Lectio VI.

EA porro cum deduceretur ad supplicium dicente, grâcias tibi amator animarum, qui me ad paradysum tuum vocasti, Theophilus quidam Præsidis advocatus irridens. Eia tu inquit Sponsa Christi, mitte mihi de paradiso Spôsi tui mala, aut rosas; & Dorothea respondit: planè ita faciã. *R.* Dilexisti.

Lectio VII.

Cum ante ictum breviter precari permessa esset; pulchra specie puer ante eam apparuit, ferens in orario tria mala, & tres rosas. cui illa ait, obsecro te, ut feras ea Theophilo: Et mox gladio percussa perrexit ad Christum. *R.* Afferentur Regi.

Lectio VIII.

Igitur Theophilus irridens promissionem sanctæ Dorotheæ sodalibus narraret, ecce puer ante eum cum orario, in quo ferens tria mala magnifica, & tres rosas elegantissimas; dixit ei: En sicut petenti promisit virgo sacratissima Dorothea, transmisit hæc tibi, de paradiso sponsi sui. Tum Theophilus stupens, quod esset Februarius, & gelu cuncta rigèrent, ea accèpit, atque acclamavit. Verè Deus Christus est: sicque palam fidem Christi professus, gravissimum quoque pro ea martyrium strenuè pertulit. *R.* Prudentes virgines.

In tertio Nocturno Homilia in Evangelium. Simile est regnum cœlorum thesauro. ut in communi nec virginis nec martyris.

DIE I. MARTII.

In Gnesnensi diœcesi S. Albini Confess. &c. & Pontif. Dupl.

ORATIO.

Votiva, quæsumus Domine, nos Beati Albini Confessoris tui atq; Pontificis natalitia restaurent, & ad omnibonum tua gratia faciant propensiores. Per Dominum nostrum.

Lectio V.

Beatus Albinus in venetica regione Galliarum, Oceano Britannico finitima, natus est. Adolefcens pietatis, & religionis amore feruens, relictis parentibus, in Cincillacense cœnobium se contulit, vitamque ibi monasticam professus est. In Abbatis sui ministerio ruri maxima tempestate aliquando deprêhensus, sub tectum cuiusdam casæ confugit: quod cum undique perflueret, ceteris qui aderant, madefactis omnibus, solum Albinum ne gutta quidem ulla pluvia attigit. R. Inveni David.

Lectio VI.

Abbatis deinde officio egrègie viginti quinque annis functus est. Cuius virtutibus permotus Andegavi populus, dum pastore interim orbatus esset, unanimi eum consensu elegit Episcopum. R. Posui adiutorium.

Lectio VII.

Quem honorem consecutus, totum se in alendis pauperibus, visitandis ægris, inopibus defendendis, redimen-

disque captivis, dedit. In quo pietatis occupatus studio, apud Seginam vicum adolescentem mortuum, Malabandum nomine, revocavit ad vitam: Maurilio Civi cæco visum restituit: aliaque multa stupenda operatus est. ut merito apud Hildebertum Regem Ostrogothorum in maximo esset pretio. R. Iste est qui ante.

Lectio VIII.

Annis viginti vel pluribus in Episcopali cura exactis, denique cum impleisset annorum octoginta ætatis numerum viribus corporis destitutus, spiritum Deo reddidit. Cuius sepulchrum postea, præsertim in translatione corporis, multis miraculis Deus illustravit, duobus cæcis visu reddito, tribus paralyticis sanitati restitutus. Vixit eodem tempore, quo Sanctus Casarius Arelatensis Episcopus, cum Ostrogothi magnam Galliarum partem obtinerent. R. Iustum deduxit.

In iij. Noct: Homilia in Evangelium. Homo quidam. 12. lect. de fer.

DIE V. MARTII.

Translatio S. Venceslai martyris.

Duplex. cum commem. feria.

Omnia de communi unius martyris, præter hæc quæ assignantur.

ORATIO.

Deus, qui Beati Venceslai nobilitatem in meliorem mutasti dignitatem, & eum per martyrij palmam ad cœlestem perduxisti gloriam: eius precibus nos, quæsumus, ab omni adversitate libera, & æternæ beatitudinis cœde percipi gloria. Per Dominum.

Lecti-

In festo S. Venceslai Martyris.

Lectiones primi Nocturni. Fratres, debitores sumus. de

comm: plurimorum Mart.

In secundo Nocturno.

Lectio V.

Venceslaus Dux & Martyr Bóemiz, patre Christiano Borzivoio, Principe Bóemiz, & Matre Drahomira gentili natus, ad educandum aviz femina Sanctz Ludimilz a patre traditus, ab ea sic in omni pietate & vitz integritate institutus est: ut primam virginitatem, eam quam ex utero matris suz exportavit, perpetuo conservaret: cuius custodes alias amplissimas virtutes, charitatem, humilitatem, modestiam, verecundiam, & orandi perseverantiam adiunxerat. Cui eidem aviz, tanti viri alumna, pater eius moriens, omnem gubernationem regni commisit, cum Venceslaus adolescens ad Reipublicz regimen nondum maturus esset; Mater autem impietate & crudeliter cum iuniore filio Boleslao viveret, ac infideles ambo, more infidelium dominarentur. Offensa ea re Drahomira, furere cepit, ac vitz Ludimilz insidiari. Quam ad extremum, submissis duobus sicarijs, magis scelere, quam genere nobilibus, per summum scelus interfecit: ipsa summa rerum potita est cum improbo filio, gravis suis, molestissima omnibus. Christianis inimicissima. R. Honestum fecit.

Lectio VI.

Civis iniustum ac potentem dominatum, dum amplius Bóemi perferre non possunt, Pragz Venceslaum iam adultum iuvenem in Regem eligunt, illiq; habenas imperij committunt. Quod ille plus ieiunio, orationibus, cilicio, ac

alijs pijs operibus, rexit, quam imperio: illud plane occinens, septies in die laudem dixi tibi super iudicia iustitiz tua. Fuit hic in eo ardor orationis, quod summa hieme nonnunquam ex pedibus eius sanguis effluerit: ac ex vestigijs ipsius aliqui incaluerint. R. Desiderium.

Lectio VII.

Aggressus hunc, regnumq; eius erat Dux Curimensis Radisslaus: cumq; multa frustra tentasset, ad extremum, ipsum ad singulare certamen provocavit. Suscepit magno animo conditionem magnus Princeps, vita sua suorum salutem representare volens: verum Deus ipse crudelis pugne diremptor fuit. Dum enim vir sanctus praelium ingressurus equum conscendit, adversarius eius animadvertit illi ab Angelo hastam porrigi, se vero ea voce moneri: Ne feri. Quare perterritus, ex equo desiliit, ad pedes Sancti veniam petens procidit: quem ad parcendum, quam ad ulciscendum paratiorem invenit. R. Stola iucunditatis.

Lectio VIII.

Invidit & genti & Principi eam felicitatem generis humani hostis: impiam matrem, alteram Attaliam in furias vertit. Hæc filium suum, fratris Venceslai male germanum stimulat, de regno cogitet, fratrem de medio tollat. Suscipit malum semen improbus ager: in cædem fratris totus effunditur: quem ad funestum conviviū vocat. Non recusat iustus Abel nec infcius nec invitus: Sacramentis se præmunit. Post fraternam & hospitalem natalis filij mensam proxima nocte ante templum orans cæditur: fit Deo gratissima hostia. Nec diu tamen exultavit scelus in victoria:

nam & matrem non ita multum post in arce Pragensi terra absorpsit vivam. & filius non diu gessit Principatum fratris sui sanguine comparatum. Alij per demones exagitati, umbram suam timentes, sese precipites in flumen dederunt, submersiq; sunt. Sanguis quidem iusti Abel, qui hora passionis multus fuit effusus, ad Deum sancte clamans, multis & iteratis conatibus non potuit aboleri. *R.* Posuisti Domine.

In tertio Nocturno, Homilia in Evangelium. Si quis vult post me venire. de comm. unius martyris.

DIE X. MARTII.

In diocesi Gnesnensi SS. Cyrilli & Methodij Pontificis & Confessoris semiduplex.

ORATIO.

Omnipotens sempiternus Deus, qui nos per beatos Pontifices & Confessores tuos, nostrosq; Patronos Cyrillum & Methodium ad unitatem fidei Christianae vocare dignatus es: presta quaesumus; ut qui in presenti eorum festivitate laetamur, ipsorum etiam meritis gloriam consequi mereamur aeternam. Per Dominum nostrum.

Lectio V.

Sancti Confessores & Pontifices Cyrillus & Methodius fratres, Constantini Thessalonicensis cognomento Philosophi, civis Constantinopolitani erant filij. Cum adolevisent, Presbyteratus ordinem Constantinopoli consecuti, gentium Slavinarum primi doctores, viriq; Aposto-

lici facti sunt. Cyrillus Gazaros, magnam Slavinorum gentem, qui tum Tauricam peninsulam vicinasq; regiones incolabant, a Michaele Imperatore missus ad Christi fidem convertit. Chersonesum Heracliam eius peninsulae civitatem Graecam cum accessisset, dumq; ibi primum Gazarorum linguam disceret, sancti Clementis Pontificis Romani corpus, cum anchora eidem alligata, in vicino mari, temploque marmoreo invenit. Quod acceptum dum secum circumferret, magna miracula Deus passim per illud operatus est. *R.* Inveni David.

Lectio VI.

Constantinopolim cum redisset Cyrillus, denuo a Suatoplugo rege Moraviae ad Imperatorem venit legatio, petente Cyrillum sibi mitti, eiusdem religionis docendae gratia. Assumpto igitur fratre Methodio, longum iter ingressus, ad Volgaros Danubij accolae primum divertit: eis itidem fidem Christi, sacrasq; literas, in eorum linguam conversas tradidit: eas videlicet, quibus non tantum omnes Volgarorum populi, sed multae quoq; aliae utuntur nationes, quae lumen fidei a Volgaris mutuatae sunt. *R.* Posui adiutorium.

Lectio VII.

Ad Moravos deinde ambo, non sine corpore sancti Clementis, perveniunt: Suatoplugum regem, Velogradi sedem habentem cum sua gente baptizant: quin & Boemiae Ducem Borziuoium, cum sua uxore sancta Ludimila, eodem sacro lavacro tingunt. Archiepiscopus Velogradi Cyrillus ordinatur: cui adduntur in amplo Suatoplugi regno, septem alij Suffraganei Episcopi. *R.* Iste est qui ante Deum.

Lectio

Lectio VIII.

Fundatis tandem Ecclesijs, & Christi opere perfecto, sancti Clementis corpus Romam deferunt: & a Nicolao primo Pontifice impetrant, ut gentibus a se baptizatis lingua vernacula obire sacra liceret. Quod divino responso approbatum esse fertur; ut omnis spiritus laudaret Dominum. *R.* Iustum deduxit.

In tertio Nocturno Homilia in Evangelium. Vigilate quia nescitis.

DIE XVII. MARTII.

In diocesi Gnesnensi Sancta Gertrudis Virginis semiduplex.

ORATIO.

Indulgentiam tuam nobis, quæsumus Domine, beata Gertrudis impleret, quæ tibi grata semper extitit & merito castitatis, & tuæ professione virtutis. Per Dominum nostrum.

Lectio V.

Ex Ioanne Molano & Lauri Surio.

Sancta Gertrudis Virgo clarissimæ parentibus, patre Pipino Magno Regis Fræciæ Procuratore domus, matre verò Itta, femina pudicissima sanctaque nata fuit, Modestiam, & humilitatis virtutem a prima ætate ita coluit, ut ancillis suis se ministram ancillamque præstaret. Rex Dagobertus cum eam Ducis Austrasiæ filio, qui tum in comitatu eius erat, uxorem postularet; virgo respondit, se neque hunc, neque mortaliū quemquam, sed solum Christum Deum sponsum habere velle. Iuvenis ille repulsam passus, cum nihilominus à proposito non desisteret, Virgo sancta parentum auxilio in orien-

talem Franciam cum Atalango presbytero, & Bernardo diacono profugit: ibique in loco, qui Caroli mons nominatur, per divinam revelationem, corpora sanctorum martyrum Kiliani & sociorum eius invenerunt. *R.* Propter veritatem.

Lectio VI.

Pipino patre, simul & iuvene illo proco mortuis, beata Gertrudis ad matrem rediit: domum suam in monasterium sanctimonialium, Amando Episcopo adiutore coverterunt. Et ne Gertrudis à quibusdam procis amplius pateretur insidias, mater ipsa filia capillum abscidit. Quæ aliquanto post inter Virgines, suscepto velamine, consecrata est. Post obitum matris cum ipsa monasterij curam suscepisset, ut liberius Deo servire, sacrisque studijs vacare posset, eam exemplo Moysis divisit in plures. *R.* Dilexisti iustitiam.

Lectio VII.

Interim non solum in sacrarum literarum scientia, sed in spiritualibus quoque virtutibus ita profecit, ut a sororibus lux aliquando sphaeræ igneæ super eam irradiare visa est. Nuntios quoque suos in mari periclitantes, invocata, licet absens corpore liberavit. Ad hæc, beati martyris Foillani corpus, indicio supernæ revelationis ipsa meruit invenire. *R.* Adducentur Regi.

Lectio VIII.

Cum divino spiritu se morti proximam esse cognovisset, ut reliquum trium mensium tempus in opera pietatis, & beatæ vitæ studium sanctius expectaret, omnem monasterij curam Volterradi cognatæ suæ tradidit. Sepulchram qualem habere vellet, omni pompa vacuum, ordinavit: corpus tantum-

cilicio, quo uti consueverat, caput autem vili quodam velo, à sacra quadam virgine donato, regi voluit. Deinde à sancto Vltano monacho de die obitus sui facta certior, anno ætatis suæ trigesimo tertio, sumpto sacratissimi corporis viatico, animam creatori DEO reddidit: beato Patritio cum sanctis Angelis, illi ut vates Vltanus prædixerat, occurrente. Eadem enim dies, nempe Martij decima septima, sancto Patritio Hybernorum Apostolo iam pridem erat sacra. *R.* Prudentes virgines.

In tertio Nocturno Homilia in Evangelium. Simile erit regnū cælorum decem virginibus.

DIE XXIII. APRILIS.

In festo Sancti Adalberti Episcopi & Martyris Regniq; Poloniae Patroni. Duplex.

Ad vesperas Antiphona.

Sancti tui Domine. *cum reliquis de Comuni Martyrum tempore Paschali. Psalmus.* Dixit Dominus. *cum reliquis de Dominica. Capitulum.* Stabunt iusti. *R.* breue. Lux perpetua. *Hymnus.* Deus tuorum militum. *V.* Sancti & iusti.

Ad Magnificat Antiphona.

Magnificet te Domine, tuo redempta sanguine Christiana lætabunda plebs, annua Adalberti votiva celebrans solema: cuius morte pretiosa, devota promit gaudia, ut per eius suffragia tua impetret beneficia, alleluia.

O R A T I O.

TVam nobis indulgentiam, quæsumus Domine, Beatus Adalbertus Episcopus & Martyr impleret, ut & delicta

nobis clementer ignoscas, & beneficia desiderata concedas. Per Dominum nostrum.

Ad Matutinum Invitat.

Hymnus. Antiphonæ. Psalmi, & omnia alia dicuntur de comm: Mart: tempore Paschali exceptis his, quæ hic assignantur. In primo Nocturno Lektionen de communi unius Martyris. A Mileto, Resp: Beatus vir. &c.

In secundo Nocturno quæ etiam in festo Translationis eiusdem Sancti dicuntur.

Lectio V.

ADalbertus Episcopus Pragensis in Bœmia nobilissimis parentibus, Slaunico Libicensi Comite, ac Strzezslaua natus, Voitechus antea patrio sermone dictus fuit: ab Episcopo autem Magdeburgensi Adalberto, apud quem deinceps pie & honestissime educatus est, alterum nomen accepit. Postquam Ditmaro in Episcopatu Pragensi successit, eum Sanctissime, in magna vitæ continentia, pietate, pauperumque cura gessit. Propter contumacis tamen populi gravia peccata deferere illum coactus, Sedem Apostolicam hac de re consulturus in Italiam se contulit. *R.* Lux perpetua.

Lectio VI.

Peregrinatione Ierosolymitana, quam instituerat, intermissa, Romæ Leonni Abbati S. Bonifacij commendatur. Ibi cum in Religiosa vita quinquennium exegisset, a Pragensibus peractis orbitatis denuo revocatur. Principis ipsius, & Archiepiscopi Moguntini nuntijs precibusq; exoratus Pontifex, redire Adalbertum ad suos iubet. Recipiunt læti reducem: non diu tamen illi obtemperant:

rant: sacras enim ædes invadunt, fontefq; qui ad illas confugerant, per vim ereptos interficiunt. Iterum illos deserit Adalbertus, animoq; ad convertendas gentes alias, & ad Martyrium destinato, ut benedictionem tamen Sedis Apostolicæ obtineat, Romam revertitur. *R.* In servis.

Lectio VII.

Denuo Pragenses & Moguntinus Adalbertum reperunt. Cumq; iussu Pontificis iterum ad illos rediret, tres fratres suos ab eis caecos esse cognoscit. Pragensem ergo viam præclusam sibi, mentefq; illorum a se alienatas esse videns, Deo gratijs actis, convertendigenes, quod Romanus Pontifex probaverat, institutum suum prosequitur. Hungariam cum Rege Geisa, eiusq; filio Sancto Stephano in fide Christi confirmato: Poloniam vicinam, cognatamq; Bœmis suis gentem, salutaribus præceptis copiosius instruit. *R.* Filia Ierusalem.

Lectio VIII.

Post triennium autem Radzino, fratre in Archiepiscopatum Gnesnensem suscepto, ipse in Prussiam, idolis adhuc & dæmonibus servientem proficiscitur. Ibi dum religionem Christianam disseminaret, apud Fishausum, finis venedici oppidum, inter sacrificandum confossus, & in partes dissectus est. Corpus eius a Boleslao Chrabro Principe Poloniæ postea redemptum, & in Tremesnense Monasterium prius, deinde Gnesnam Metropolim honorifice translatum est. *R.* Lætabitur iustus.

In tertio Nocturno

Lectio Sancti Evangelij secundum Ioannem.

Lectio IX. Cap. 10. b.

IN illo tempore. Dixit Iesus Pharisæis: Ego sum Pastor bonus. Bonus pastor animam suam dat pro ovibus suis. Et reliqua.

Homilia Sancti Gregorij Papæ

Hom. 17. in Evang.

Est aliquid fratres charissimi, quod me de vita pastôris vehementer affligit. Ad exteriora enim negotia delapsi sumus; & aliud ex honore suscipimus, atq; aliud ex officio actionis exhibemus. Ministerium prædicationis relinquimus, & ad pœnam nostram, ut video, Episcopi vocamur, qui honoris nomen non virtutis tenemus. Relinquant namque Deum hi, qui nobis commissi sunt, & tacemus: in pravis actionibus iacent, & correptionis manus non tendimus: quotidie per multas nequitias pœreunt, & eos ad infernum tendere negligenter videmus.

R. Ego sum vitis vera, & vos palmites; * Qui manet in me, & ego in eo, hic fert fructum multum, alleluia, alleluia. *Ps.* Sicut dilèxit me Pater, & ego dilexi vos. Qui manet,

Lectio X.

Sed quomodo nos vitam corrigere valemus aliènam, qui negligimus nostram? Curis enim sæcularibus intenti, tanto insensibiliôres intus efficimur, quanto ad ea, quæ foris sunt, studiosiôres videmur. Vsu quippè curæ terrenæ, à cælesti desiderio obdurèscit animus: & dum ipso suo usu durus efficitur, per actionem sæculi, ad ea emolliri non valet, quæ pèrtinent ad charitatem Dei. Vnde benè Sancta Ecclesia de membris suis infirmantibus dicit: Posuerunt me custodem in vineis: vineam meam non custodivi.

R. Candidi facti sunt Nazaræi eius, alleluia: splendorem Deo dederunt, alleluia, * Et sicut lac coagulati sunt, alleluia. V. Candidiores nive, nitidiores lacte, rubicundiores ebore antiquo, sapphiro pulchriores. Et sicut,

Lectio XI.

Considerate ergo, quid de gregibus agatur, quando pastores lupi fiunt: hi enim custodiam gregis suscipiunt, qui insidari gregi Dominico non meruunt, contra quos greges Dei custodire debuerant. Nulla animarum lucra quæimus, ad nostra quotidie studia vacamus: terrena concupiscimus, humanam gloriam intenta mente captamus. R. O quam prædicanda & laudanda in Sancto Adalberto excellentia cælestis gratiæ radiat, cum & in ævo sit tenerrime. * Et in divino sacerdote sancto martyre, Deo munus acceptabile, alleluia. V. Fit in pueri oblatio, sacrificium in Præsule, holocaustum in martyre. Et in divino.

Lectio XII.

ET quia eo ipso, quo cæteris prælati sumus, ad agenda quælibet maiorem licentiam habemus, susceptæ benedictionis ministerium vertimus ad ambitionis argumentum. Dei causam relinquimus, ad terræ negotia vacamus. Locum sanctitatis accipimus, & terrenis actibus implicamur. Impletum est in nobis profectò, quod scriptum est: Et erit sicut populus, sic sacerdos. R. Alme Præsul, & beate Dei martyr Adalberte confer opem petentibus, tuis sanctis precibus mala pelle, bona posce. * Præsta pacis incrementum, confer vitæ gaudia, alleluia. V. Ut sub tuo protecti patrocinio, gloriamur in

laude Dei perpetuò, Præsta pacis. Gloria Patri. Præsta. Te Deum laudamus.

Sequentia Sancti Evangelij secundum Ioannem. cap. 10. b.

IN illo tempore: Dixit Iesus Phariseis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cuius non sunt oves propriæ, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non pertinet ad eum de ovibus. Ego sum pastor bonus: & cognosco meas, & cognoscunt me meæ. Sicut novit me Pater, & agnosco Patrem: & animam meam pono pro ovibus meis Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus pastor.

Ad Benedictus Antiphona.

Sacerdos Dei Adalberte martyr & Pontifex gloriose, intercede ad Dominum, pro devotis famulis, alleluia.

In secundis Vesperis Antiphona.

Sancti tui Domine, cum reliquis de communi Martyrum tempore Paschali &c.

Ad Magnificat Antiphona.

Per merita sancti Adalberti Christe nos exaudi; atque eius precibus nobis succurre miseris, alleluia.

DIE II. MAIJ.

Sancti Athanasij Episcopi & Confessoris Duplex. & pro S. Sigismundo lectio 12. cum commemoratione.

ORATIO.

DEus, qui beatum Sigismundum Regem temporali & ætérno diadema te cum desiderata martyrij coróna honorare dignatus es; tribue quæsumus, ut qui eius mérita venerámur in terris, ipsius intercessione ab ómnibus protegámur advérsis. Per Dominum nostrum.

Lectio XII.

Sigismundus Rex & martyr Gunebaldus do Rege Burgúndiæ infideli inter fideles natus, à púero Christiánæ fidei addictissimus, ieiúnijs, oratióibus, & elemósynis assidue óperam dabat. Patri mortuo succédens, Regnum è ténébris infidelitatis ad lumen fidei sanctæ addúcere omni stúdio conabatur: in quo ille súbditis suis exémplo humilitatis, sobrietatis, málsuetúdinis, pietátis, munificentiæ, iustitiæ, reliquarúmque virtutum prælucebatur. Et quamvis secundæ uxóris impúlsu, filium, quem ex prióre uxóre suscepérat, occidisset; is ramen lapsus effécit ut véluti alter David, duriórem pœnitentiæ viam ingressus, maióris gratiæ divini thesaurum sibi compararet. Talia vúlnera & cicatrices Sanctórum, glória sunt cælestis chirúrgi. Itaque cum memóriam sanctórum visitáret in finibus Sedunórum, eius loci, in quo sanctus Mauritius cum socijs suis passus est, devotióne captus, divinitus respóso accepto, Agaupénsis Ecclésiæ cum Monasterio extruxit & dotavit. Vbi póstea religioso hábitu suscepto, uberes lacrymas cum sanctórum Mártyrum ságuine coniungébat, pro suis, súbditorúmque suórum peccátis agens pœnitentiám. Interim Franci, adhuc infideles, Burgúndiam ingressi vastare cæperunt. Quibus se Burgúndij, qui adhuc in infidelitate persistebant adiungentes, Regnum & Regem Sigismundú illis prodiderút. Quem

illi captum, in púreum véterem profundissimum, apud Caloniam Vicum proiecérunt & submersérunt; unaque uxórem eius, & filios duos, Histáldum & Gunebáldum. Corpus eius cælestibus radijs ac revelatióibus divinis demonstrátum in Ecclesia, quam sanctis Martyribus constrúerat appósitum est. *R.* Beatus vir,

DIE IV. MAIJ.

In Festo S. Floriani militis & martyris Regniq; Polonia Patroni. Duplex. Vespera de S. Cruce cum commemoratione S. Floriani. Antiphona.

O florem Eden purpúreum beatissimum Florianum, qui sæculi militiam, in vitæ commútans innocéntiam, ad martyrij agónem per fidei properans confessiõem, pro Christo lætus occúbuit, regnumq; supérnum obtinuit, alleluia.

Ps. Sancti & iusti in Domino gaudete, alleluia. *R.* Vos elégit Deus in hæreditatem sibi, alleluia.

ORATIO.

DEus, qui nos beati Floriáni Martyris tui solemnitate lætificas; concède propitius, ut cuius gloriósum triumphum venerámur in terris, societatis eius lætitiám adipisci mereamur in cælis. Per Dominum nostrum.

Ad Matutinum omnia de comm: Martyr. tempore Paschali præter ea qua hic assignantur. Hymnus ex Vesperis. Lectiones primi Noct: de comm: plurimorum Martyrum. Fratres debitóres sumus.

In secundo Nocturno.

Lectio V.

Ex Martyrologio & Annal. Polon.

FLorianus Martyr passus est Diocletiano & Maximiano Imperatóribus, persecutióne décima, eáque última. Cum Thécia audivisset, quadra-

quadraginta milites, qui sub eius signis aliquando stipendia merébant, Laureacum Norici martyrij causa ablegatos, ac ibi varijs tormentis consumptos esse, festinè ad illud oppidū se contulit: turpè putās veterānum in tam pulchra victōria à tyrōnibus vinci. *R.* Lux perpetua.

Lectio VI.

Comprehensus sistitur Aquilino præfècto. Qui cum in confessione Iesu Christi constanter perseveraret; fustibus Præfècti iussu, semel atque iterum cæditur in scapulis, deinde ferro acuto graviter verberatur. Ad extremum, saxo ad collum appenso in fluvium Anasum deijci iubetur. Gaudens ibat à conspectu Iudicis Florianus. Ad pontem ubi venit impetrat orationis tempus. In qua cum tota hora commoraretur; audacior quidam accūrit, ac Martyrem in fluvium deiicit, in quem confestim cecidit caligo & tenebræ. *R.* In servis suis.

Lectio VII.

Sed ecce Dei servis serviunt omnia: depórtat fluvius Sancti corpus, & ad saxum expónit. Mittitur à Deo inusitatae magnitudinis aquila, quæ corpus Sancti ab omni protèxit iniuria. Apparet demum in somnis piæ cuidam mulieri Valeriæ, ac ut corpus suum condar, admonet. Romam postea transfertur, ac cum principibus Diaconis Stephano & Laurentio collocatur, magnò urbis solatio & præfidió. Nam eius advètu, omnis barbaròrum furor, qui tum urbem, ac universam Italiām vexabat, resedit, paxq; optata restituta est. *R.* Filiæ Ierusalè.

Lectio VIII.

Tandem anno Domini millésimo centésimo octogésimo tertio. Casimirus bello & pace clarus Poloniæ prin-

ceps, unà cum Gedeone Episcopo Cracoviensi, ad Lúcium tertium summum Pontificem mittunt, precantes, ut illis alicuius è sanctis Martyribus ossa impertiatur, qui genti, & urbi contra Prussos, Tartaros; aliasque barbaras gentes pro muro & vallo esset. Mittuntur ergo per Egidium Episcopum Mutinensem sacra ossa. Gens tota cum Rege suo ad septem miliaria tanto hospiti obviam effusa prodit. Depónitur honorificè Martyr in templo à Casimiro extructo: pars corporis in primarium templum deferretur, ac in marmoreo altari includitur. Et sicut Ierosolyma Stephano, Roma Laurentio; ita suo gaudet Polónia Florianus. *R.* Letabitur.

In tertio Nocturno.

Lectio sancti Evangelij secundum Ioannem.

Lectio IX. Cap. 15.

In illo tempore: Dixit Iesus discipulis suis: Ego sum vitis vera: & Pater meus agricola est. Et reliqua.

Homilia sancti Cyrilli Episcopi Alexandrini.

In Ioannem lib. 10. cap. 13.

VT quantum oporteat inhærere sibi, & ab eo pendere, & quantum nobis hoc prodest, ostenderet; vitem se ipsum exempli ratione, & palmites affixos in eo credentes appellavit, qui participatione spiritus, per quem Salvatori coniungimur, naturæ suæ communicamus. Qui enim Domino, ut agit Paulus adhæret, unus est spiritus cum eo. *R.* Ego sum vitis.

Lectio X.

Quemadmodum igitur voce prophetica basis & fundamentum appellatur (in ipso enim edificamur viti lapides,

des, spiritalesq; facti, ad habitaculum Dei in spiritu, & sacerdotium sanctum: nec edificari nisi per Christum possumus) sic vitis appellatur, ut mater & nutrix palmitum. R. Candidi facti.

Lectio XI.

Regenerati enim ex Christo, & per ipsum in spiritu sumus, ad referendam fructum vite, non illius prisce: sed huius novae, quae est per fidem, & charitatem erga ipsum. R. Quam venerandus dum se se commilitonem Christi fatetur supplicem: * Et mox ad saxum ducitur iudicem, alleluia. V. Sed nec blandimentis separari a recta fide quivuit, nec tormentis. Et mox.

Lectio XII.

Conservamur autem in hoc statu, & ad hoc, ut ita dixerim, inferti quodammodo ipsi sumus, id est, firmiter retinentes tradita nobis ab ipso mandata, studentesq; huius nobilitatis bonum servare. Quod fit, si Spiritum sanctum, per quem in nobis Deus habitat, non offendamus. R. Ad pontem Anasi fluminis iussu perducitur Aquilini Praesidis: Unde facta oratione praecipitatur, sed ab unda super lapidem reclinatur. * Vbi ab aquila corpus eius expansis alis servatur, alleluia. V. Cum ceciderit iustus non collidetur: quia Dominus supponit manum suam. Vbi ab aquila. Gloria Vbi ab Aquila. Evangel. de com.

Ad laudes & per Horas antiph. Sancti tui Domine. & reliqua de communi. R. br. Capitulum de comm.

Hymnus.

Sæpe Martyr verberatus,
Vncis carnem laceratus
Deum, dicens, colo Trinum,
Confutavit Aquilinum.

Idem facis Aquiline,
Quod prementes florem spinæ:
Pungis, premis sanctum florem,
Reddit pressus flos odorem,
Nunc ô Martyr Dei chare,
Fac nos hostes debellare,
Impugnantes fidem Christi,
Quam tenendo, non cessisti.
Deo Patri sit gloria,
Et Filio, qui a mortuis
Surrexit, ac Paráclito,
In sempiterna sæcula. Amen.
V. Pretiosa in conspectu Domini alleluia.
R. Mors sanctorum eius alleluia.

Ad Benedictus Antiphona.

Dum æternæ dici aurora illuxerit, dum tuba novissima insonuerit, præclare Martyr Floriane, nos digneris adiuvari: ut gratia solis iustitiæ, Sanctorum perfruiamur splendore, alleluia. Oratio ut supra.
In secundis vesp. Antiph. Psalmi Capit.
R. br. de communi Mart. temp. Paschali.

Hymnus.

Gratuletur Ecclesia,
Nova laudum præconia,
Dei canens cum gratia,
Pro Floriani gloria.
Hic apud urbem Théciam,
Linquens domum familiam,
Laureacum accelerat,
Qua sanctos pati noverat,
Mox a commilitonibus
Tentus, verbis, verbéribus,
Iam mulcetur, iam frangitur,
Nec a fide reflectitur
Hinc uncis fractis scapulis,
Vir insons sine maculis,
Dum iactatur in flumine,
Tortor privatur lumine.
In petra corpus nobile
Cura servatur aquilæ;

B3

Quod

Quod ut mandet terræ, piam
 Martyr monet Valeriam,
 Dum ad humandum ducitur,
 Iumentum sibi premitur;
 Mirè tamen reficitur,
 Fons novus quia funditur.
 Deo Patri sit gloria,
 Et Filio, qui à mortuis
 Surrexit, ac Paraclito
 In sempiterna sæcula, Amen.
 Y. Pretios. &c. Antiph. ad Magn. O
 florem Eden. ut in primis Vesp. & Oratio
 ibidem.

D I E V I I I . M A I J .
 In Festo Sancti Stanislai Episcopi
 & Martyris, Regniq; Poloniæ
 Patroni. Duplex.

Extra Poloniam verò septima die Maij. ubi
 Sancti Michæelis Archangeli Apparitio Octava
 Maij celebratur.

Ad Vesperas omnia de comm: Mart. temp.
 Paschal. præter ea quæ hic assignantur.

Capitulum. Hebr. 5.

Omnis Pontifex ex hominibus assump-
 ptus, pro hominibus constituitur
 in ijs quæ sunt ad Deum, ut offerat do-
 na & sacrificia pro peccatis.
 R. breve. Lux perpétua lucébit sanctis
 tuis Domine, * Alleluia, alleluia. Lux
 Y. Et æternitas temporum. Alleluia,
 alleluia. Gloria Patri. Lux perpétua.

Hymnus.

GAude Mater Polonia
 Prole secunda nobili:
 Summi regis magnalia
 Laude frequenta vigili,
 Cuius benigna grátia,
 Stanislai Pontificis
 Passiõnis insignia
 Signis fulgent mirificis.
 Hic certans pro iustitia,
 Regis non cedit furia:

Stat pro plebis iniúria
 Christi miles in acie.
 Tiranni truculentiam
 Qui dum constantèr arguit,
 Martyrij victóriam
 Membratim cæsus méruit.
 Novum pandit miraculum
 Splendor in sancto cælicus:
 Redintegrat corpúsculum
 Sparsum cælestis médicus.
 Sic Stanislavus Pontifex
 Transiit ad cæli cýriam,
 Ut apud Deum ópifex
 Nobis implòret veniam.

Poscentes eius mérita
 Salutis dona réferunt:
 Morte præventi lúbita
 Ad vitæ portum rédeunt.
 Cuius ad tactum ánnuli,
 Morbi fugántur túrgidi;
 Ad locum sancti túmull
 Multi curantur lánguidi.
 Surdis auditus rédditur,
 Claudis gressus officium:
 Mutórum lingua sólvitur,
 Et fugátur dæmonium,
 Ergo felix Cracovia,
 Sacro dotata corpore,
 Deum qui fecit omnia
 Benedic omni tempore.
 Sit Trinitati glòria,
 Laus, honor, iubilatio:
 De Mátyris victória
 Sit nobis exultatio. Amen.

Y. Sancti & iusti in Domino gaudete,
 alleluia. R. Vos elégit Deus in hæredi-
 tatem sibi, alleluia.

Ad Magnificat Antiphona.

O Beáte Stanislæ, Præsul plebis Cracó-
 via, cuius signa victoriæ latè patent Po-
 loniæ: nam dono Christi grátia, pestes
 curantur variz. Tua, Martyr egrégie fe-
 sta

sta colentes hodie, Regi commenda gloria, alleluia.

O R A T I O.

DEUS, pro cuius honore gloriosus Pontifex Stanislaus gladijs impiorum occubuit: praesta quaesumus, ut omnes, qui eius implorant auxilium, petitionis suae salutarem consequantur effectum. Per Dominum nostrum.

Ad Matutinum Hymnus. Gaude Mater &c.

In primo Nocturno.

Ex Epistola beati Pauli ad Hebraeos.

Lectio I. cap. 5.

Omnis Pontifex ex hominibus assumptus, pro hominibus constituitur in ijs quae sunt ad Deum, ut offerat dona & sacrificia pro peccatis: qui condoleere possit ijs, qui ignorant & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. *R.* Beatus vir.

Lectio II.

Nec quisquam sumit sibi honorem; sed qui vocatur a Deo, tanquam Aaron. Sic & Christus non semetipsum clarificavit, ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in aeternum, secundum ordinem Melchisedech. *R.* Tristitia vestra.

Lectio III.

Qui in diebus carnis suae, preces supplicationesque ad eum, qui possit illum salvum facere a morte, cum clamore valido & lacrymis offerens, exauditus est pro sua reverentia. Et quidem cum esset Filius Dei, didicit ex ijs, quae passus est obedientiam, & consummatus, factus est omnibus obtemperantibus si-

bi, causa salutis aeternae, appellatus a Deo Pontifex, iuxta ordinem Melchisedech. *R.* Pretiosa.

Lectio IV.

DE quo nobis grandis sermo, & interpretabilis ad dicendum: quoniam imbecilles facti estis ad audiendum. Etenim cum deberetis magistri esse propter tempus; rursus indigetis, ut vos doceamini quae sint elementa exordij sermonum Dei: & facti estis quibus lacte opus sit, non solido cibo. Omnis enim, qui lactis est particeps, expertus est sermonis iustitiae: parvulus enim est. Perfectorum autem est solidus cibus: eorum qui pro consuetudine exercitatos habent sensus ad discretionem boni & mali.

R. De ore prudentis,

Lectioes secundi Nocturni ut in Breviario VII. Maij.

In tertio Nocturno.

Lectio sancti Evangelij secundum Ioannem.

Lectio IX. Cap. 10.

In illo tempore: Dixit Iesus Phariseis: Ego sum pastor bonus. Bonus pastor animam suam dat pro ovibus suis. Et reliqua.

Homilia sancti Augustini Episcopi. De verbis Domini sermone 50.

Avidimus Dominum IESUM commendantem nobis boni pastoris officium: in qua commendatione admonuit nos utique; ut intelligi datur, bonos esse pastores. Et tamen ne intelligeretur perverso modo multitudo pastorum. Ego sum inquit, pastor bonus, & unde sit pastor bonus, consequenter ostendit: pastor inquit, bonus, animam suam pro ovibus ponit. Pastor ergo bonus Christus, Quid Petrus! nonne bonus pastor!

pastor! nonne & ipse animam pro óvibus posuit? Quid Paulus? quid ceteri Apostoli? Quid eorum tempora consequentes beati Episcopi Mátyres? quid etiam iste Sanctus Stanislaus nonne omnes pastores boni, non mercenarij, de quibus dicitur: Amen dico vobis perciperunt mercédem suam: Omnes ergo illi pastores boni, non solum quia sanguinem fuderunt? sed quia pro óvibus fuderunt. Non enim fuderunt elatione, sed caritate. *R.* Ego sum vitis vera, & vos palmites. * Qui manet in me, & ego in eo, hic fert fructum multum, allelúia, allelúia. *Y.* Sicut dilexit me Pater, & ego dilexi vos. Qui.

Lectio X.

NAm & apud hæreticos, qui propter iniquitates, & errores suos, aliquid molestiarum perpessi fuerunt, nomine martyrij se iactant; ut hoc pallio dealbati, facilius furentur, quia lupi sunt. Si autem vultis scire, in quo número habendi sunt, pastorem bonum, Paulum Apostolum audite, quoniam non omnes, qui corpora sua in passione etiam ignibus tradunt, estimandi sunt sanguinem fudisse non pro óvibus, sed potius contra oves. Si distribuero, inquit, omnia mea pauperibus, & tradidero corpus meum, ut ardeam, caritatem autem non habeam, nihil mihi prodest. Ecce venit ad passionem, ecce venit & ad sanguinis effusionem, venit & ad corpoream incensionem; & tamen nihil prodest; quia caritas deest. Adde caritatem, profunt omnia: detrahe caritatem, nihil profunt cetera. *R.* Candidi facti sunt Nazaræi eius, allelúia: splendorem Deo dederunt, allelúia. * Et sicut lac coagulati sunt, allelúia, allelúia. *Y.* Candidiores nive, nitidiores lacte, rubicundiores ebore antiquo, saphiro pulchriores. Et sicut,

Lectio XI.

Quale bonum est caritas ista, fratres? quid pretiosius? quid firmius? quid utilius? quid securius? Multa sunt Dei dona, quæ tamen habent & mali, qui dicuntur: Domine, in nomine tuo prophetavimus; in nomine tuo demonia eiecimus; in nomine tuo virtutes multas fecimus. Non respondēbit ille, non fecistis: non enim in conspectu tanti iudicis audēbunt mentiri, aut iactare, quæ non fecerunt: sed quia caritatem non habuerunt, respondebit omnibus illis: non novi vos. *R.* O venerandam Martyris constantiam! o prædicandam Stanislai Præsulis fidem, qua in testem veritatis Boleslai Regis sistendum tribunali-bus, * Petrum revocavit ab inferis. *Y.* Triennem in tumulo, deficientibus à veritate filijs hominum! * Petrum revocavit.

Lectio XII.

Quomodo autem habet vel exiguam caritatem, qui etiam convictus, non amat unitatem? Hanc Dominus unitatem commensans pastoribus bonis! commendans pastores bonos, noluit multos appellare pastores. Neque enim ut dixi iam, non erat pastor bonus Petrus, Paulus, Apostoli ceteri, & posteriores sancti Episcopi, beatus Stanislaus. Omnes hi pastores boni? & tamen ille pastoribus bonis non commendavit pastores bonos, sed Pastorem bonum. Ego sum, inquit pastor bonus. *R.* Pastor cadit in gregis medio: dormit sponsum in sponsæ gremio: mater plorans gaudet in filio * Quia vivit victor sub gladio. *Y.* Cleri plebisque concio, in patris natalitio, iubilet cum tripudio, pro tanto beneficio. Quia vivit Gloria Patri, Quia vivit. *Hymnus.* Te Deum.

Sequentia sancti Evangelij. prout in festo

S. Adalberti supra Oratio. Deus, pro cuius honore. &c.

Ad Laudes & per Horas. Antiph. Sancti tui Domine. de comm. Capit. Omnis Pontifex. R. br. Sancti & iusti Hymn. Martyr Dei.

Ad Benedictus Antiphona.

Martyr Dei Stanislaus gloriosus Pontifex, quem occidit Boleslaus truculentus princeps: pastor bonus & patronus, adsit nobis opifex, & virtutum artifex alleluia. Oratio. Deus.

Ad Tertiam Capitulum.

Omnis Pontifex. V. Sancti & iusti &c.

Ad Sextam Capitulum.

Qui condolere possit ijs, qui ignorant & errant; quoniam & ipse circumdatus est infirmitate. Et propterea debet quemadmodum pro populo, ita etiam & pro semetipso offerre pro peccatis. V. Lux perpetua.

Ad Nonam Capitulum.

Talis enim decebat, ut nobis esset Pontifex, sanctus, innocens, impollutus, segregatus a peccatoribus, & excellentior caelis factus. V. Laetitia sempiterna.

Ad Vesperas Antiphona.

Sancti tui Domine. Psalm: ut in secundis Vesp. de communi Capitulum. Omnis Pontifex &c. R. br. Lux perpetua luceb. Hymnus. Gaude mater Poló. V. Pretiosa.

Ad Magnificat Antiphona.

Vir inclyte Stanislae, vita, signis, passione, plebem tuam pastor bone, fove benedictione, gubernata protectione, salva sancta intercessione, alleluia.

Commemor. S. Gregorij. O Doctor optime. V. Amavit. Oratio. Deus qui populo.

DIE XIII. MAIJ.

In dioecesi Gnesnensi S. Servatii Confessoris & Pontificis. Dupl.

ORATIO.

Deus, qui populo tuo sanctum dedisti Servatium praedcatorem, concede quaesumus; ut nos tanti Pontificis intercessione, & tuae pietatis defensione, ab omnibus ubique liberemur adversis, & tranquilla prosperitate in tua iugiter laude laetemur. Per Dominum nostrum.

Lectioes primi Nocturni de script. curr. si venerit in Dominica, alias de comm. Conf. Pontif.

In secundo Nocturno.

Lectio V.

Sanctus Servatius, Tugrorum Episcopus, insignis Catholicae fidei confessor. strenuusque defensor ac propugnator fuit. Multum inter Episcopos Galliae laudatur a Sulpitio Severo, quod in concilijs Arimini & Seleucia, minis & terribulis Arianorum non cesserit, sed contra illos fidei professionem ediderit. Quin & magnus ille Catholicae fidei confessor Athanasius, praecelaram eius mentionem facit. R. Inveni David.

Lectio VI.

Pietas quoque ac in gregem Christi charitas huius sancti viri fuit eximia. Nam, ut divus Gregorius Turonensis scribit, vigilijs ac ieiunijs vacans, crebro lacrymarum imbre perfusus, misericordiam Domini precabatur, ne unquam Hunnorum gentem incredulam, in Gallias venire permitteret. R. Posui adiutorium.

Lectio VII.

Atque sentiens per spiritum pro delictis populi hoc sibi non fuisse

con-

concessum, Romam ivit ad B. Petri tumulum, ut adiunctis sibi Apostolicæ virtutis patrocinij, quæ flagitabat, mereretur facilius obtinere. Ibi verò multis diebus sese oratione inediaq; affligens, responsum accepit, deliberatione Domini sancitum esse, Hunnos Gallias debere populari: ipsius autem oculos ea mala non visuros. R. Iste est, qui ante.

LECTIO VIII.

AD suos ergo Tungros, ut iussus erat, redit properè; rebusq; suis dispositis, ultimum eis valedicir, Traiectemq; urbem moriturus accedit. Ibi enim modica febre correptus, ad meliorem vitam transit. Cuius ibidem sepulchrum, quamdiu sub dio fuit, nix nunquam attingit, multisque deinceps miraculis Deus illustravit. R. Iustum deduxit.

In tertio Nocturno Homilia in Evangelium.
Ego sum vitis, vos palmites. *de comm. Mart. tempore Paschali.*

R. ix. Amavit cum Dominus.

R. x. Sint lumbi vestri.

R. xi. Iste sanctus dignè.

R. xii. Elégit te Dominus.

DIE XIII. JULIJ.

In festo Sanctæ Margaritæ Virginis & Martyris. Duplex. Omnia de communi Virginum. Oratio. Indulgentiam.

Lectiones primi Nocturni.
Confitebor tibi Domine Rex.

In secundo Nocturno.

LECTIO V.

Ex his que sunt apud Laur. Surium.

BEATA Margarita ex Antiochia Pisdia oriunda, filia fuit Aedesij, qui fuit illis temporibus vel maxime insignis sacerdos ido-

lorum. Cuius eximia pulchritudine cum captus esset Olibrius Præses Orientis, ita ut eam uxorem ducere haberet in animo, deprehensio quod Christiana esset, & nullo modo eius in Christum fidei rationem posset flectere, aut emollire blanditijs, varijs deinde tormentis eam est aggressus. R. Propter veritatem.

LECTIO VI.

ITaque Virgo Sancta humi extensa primo virgis immiscorditer caesa est: deinde, cum ira ebullisset Olibrius, ferreis etiam laminis conclusa, & clavis affixa, ferreislaniata est fuscinis, ac sic in carcerem ducta. Vbi ipsa orante, repenteque magno terræ motu excitato, diabolus suscepta forma terribilis draconis eam circumcursantis signo crucis superavit, ac simul de cælo à plagis omnino fuit curata. R. Dilexisti.

LECTIO VII.

SEQUENTI die impius Præses ad se vocata, & in sententia persistenti iubet, ut nudatæ lampadibus pectus uratur & latera, ac deinde de ligno deposita in magnum lebetem aqua plenum vineta conijciatur, ac sic suffocetur. R. Afferentur regi.

LECTIO VIII.

VNDE cum nihilominus salva evasisset, cum ea, quæ explicari non potest exultatione, laudans Trinitatem, tandem ab impio Olibrio pronuntiata in eam capitis sententia, pulchrè decertationis suæ cursum perégit. R. Prudentes virgines.

In tertio Nocturno Homilia in Evangelium.
Simile est regnum cælorum thesauro. *de comm. nec Virg. nec Mart.*

R. ix. Hæc est virgo sapiens.

R. x. Media nocte.

R. xi. Induit me Dominus.

R. xii. Simile est.

DIE XV. JULIJ.

In festo Divisionis Sanctorum

Apostolorum. Duplex.

Omnia de communi Apostolorum prater ea que hic assignantur.

Ad Vesperas Antiphona.

Hoc est preceptum. cum reliquis de Laud. Psalm. de Dominica. Capitulum.

Fratres, iam non estis hospites. R. br. Constitues eos. Hymnus. Exultet.

Ps. In omnem terram exivit sonus eorum. R. Et in fines orbis terrae verba eorum.

Ad Magnificat Antiphona.

Euntes in mundum univrsam, predicare Evangelium omni creaturae, alleluia: qui crediderit & baptizatus fuerit, salvus erit, alleluia: qui autem non crediderit, condemnabitur, alleluia.

O R A T I O.

Deus, qui Ecclesiam tuam distributam per orbem terrarum sanctorum Apostolorum predicatione fundasti: concede propitius; ut quorum hodierna die sub una celebritate recolimus insignia, eorum in cunctis necessitatibus nostris experiamur suffragia. Per Dominum nostrum.

Lectiones primi Nocturni. Sic nos existimet homo. de comm. Apost: nisi occurrant dicenda de Dominica precedenti.

In secundo Nocturno.

Sermo sancti Ioannis Chrysostomi.

1. de Pentec. tom. 3.

LECTIO V.

Quae sunt tales stellae sicut Apostoli? Stellae in caelo: Apostoli super caelos. Quae sursum sunt, inquit Apostolus, sapite, ubi Christus est in dextera Patris sedens. Stellae de igne insensibili: Apostoli de igne intelligibili. Stellae inno-

cte lucent, in die obscurantur: Apostoli in die & in nocte suis radijs, hoc est virtutibus, effulgent. Stellae orto sole obscurantur, Apostoli sole iustitiae resplendente, sua claritate lucescunt. Stellae in resurrectione cadent sicut folia? Apostoli in resurrectione rapietur in aera nubibus. Et in illis quidem sideribus alius Antifer, alius Lucifer appellatur: in Apostolis autem nullus Antifer est, omnes Luciferi; & ideo stellis maiores Apostoli; Et quicumque eos luminaria vocaverit mundi, non peccabit: non solum dum essent in corpore, sed etiam magis nunc, quando de hac vita migrarunt. R. Vidi coniunctos,

LECTIO VI.

Peragrarunt piscatores orbem terrarum; & infirmum eum invenientes, ad sanitatem reduxerunt: & in ruina positum ad stabilitatem revocarunt, non scuta moventes, non arcus tendentes, non sagittas mittentes, non pecunias largientes, non eloquentiae confidentes. Et erant nudi quidem saeculo, sed induci Christum: pauperes, sed divites; pecunia indigentes, sed regnum caelorum possidentes. Non habentes humana solatia, habentes autem Dominum suum. Ego enim, inquit, vobiscum sum omnibus diebus usque ad consummationem saeculi. R. Beati estis.

LECTIO VII.

Peragrarunt univrsam orbem terrarum oves simul cum lupis. Quis vidit: quis audivit? Dicit, Mittam vos ut oves in medio luporum. Quis unquam pastor oves mittit in medio luporum, sed magis si viderit lupos, congreget oves. At vero Christus e contrario fecit: oves ad lupos direxit, & vulneratae a bestiis non sunt, sed magis lupi ad ovium mansuetudinem sunt conversi. R. Isti sunt.

LECTIO

Lectio VIII.

Vbi sunt nunc, qui audeant Ecclesie contraire? Quando novella erat, in nullo potuit lædi; & nunc quando usque ad cælum pervenit, existimas eam posse superari? Et tunc quidem cum undecim essent Apostoli, nullus eos superare potuit, sed pauci homines totum cepérunt mundum: & nunc quando terra & mare, & orbis terrarum, & inhabitabiles regiones, & civitates, & omnes fines terræ pietate replèti sunt, putas eam te posse lædere? sed non poteris. Christus enim propter eam passus est, portæ inferi non prævalébunt adversus eam. Facilius cælum exterminari potest, & terra perire, quam aliquid mali pati Ecclesia. *R.* Constitues eos.

In tertio Nocturno.

Lectio Sancti Evangelij secundum Lucam.

Lectio IX. Cap. 9.

In illo tempore: Convocatis Iesus duodecim Apostolis, dedit illis virtutem, & potestatem super omnia dæmonia, & ut languores curarent. Et reliqua.

Hemilia venerabilis Bedæ Presbyteri.

Benignus & clemens Dominus ac Magister non invidet servis atque discipulis virtutes suas. Et sicut ipse curaverat omnem languorem & omnem infirmitatem: Apostolis quoque suis tribuit potestatem, ut curent omnem infirmitatem, omnemque languorem. *R.* Isti sunt qui viventes.

Lectio X.

Sed multa distantia est inter habere & tribuere, donare & accipere. Iste quodcunque agit, potestate Domini agit: illi si quid faciunt, imbecillitatem suam & virtutem Domini confitentur dicentes: In nomine Iesu surge & ambula. *R.* Isti sunt viri sancti.

Lectio XI.

Et misit illos prædicare regnum Dei, & sanare infirmos. Fortasse enim nemo crederet hominibus illiteratis, promittentibus regna cælorum. Ideo concessit illis primum potestatem signorum, & tunc misit prædicare regnum Dei; ut promissorum magnitudinem attestaretur etiam magnitudo factorum; fidemque daret verbis virtus ostensa: & nova facerent, qui nova prædicarent. *R.* Qui sunt isti.

Lectio XII.

Verum signa quæ tunc per Apostolos corporaliter fiebant, quotidie in sancta Ecclesia per sanctos prædicatores spiritualiter fiunt. Cum in fide quis infirmus, eorum prædicatione roboratur ad fidem: cum mortuus quis in peccatis, gratia & misericordia Dei compunctus, per eorum eruditionem resuscitatur ad penitentiam & confessionem peccatorum suorum, dignaque emendatione vitam merèbitur sempiternam. *R.* Ite in orbem universum, & prædicatè dicentes: * Qui crediderit, & baptizatus fuerit, salvus erit. *¶.* Euntes in mundum universum prædicatè Evangelium omni creaturæ. Qui crediderit. Gloria Patri. Qui crediderit.

Sequentia Sancti Evangelij secundum Lucam. Cap. 9.

In illo tempore: Convocatis Iesus duodecim Apostolis, dedit illis virtutem, & potestatem super omnia dæmonia, & ut languores curarent. Et misit illos prædicare regnum Dei, & sanare infirmos. Et agit ad illos: Nihil tuleritis in via, neque virgam, neque pecuniam, neque duas tunicas habeatis. Et in quamcunque domum intraveritis, ibi manete, & inde

& inde ne exeat. Et quicumque non receperint vos; exeuntes de civitate illa, etiam pulverem pedum vestrorum excutite in testimonium supra illos. Egredi autem circuibant per castella evangelizantes & curantes ubiq;

Oratio. Deus qui Ecclesiam tuam, supra fol.

Ad Benedictus Antiphona.

Convocatis Iesus duodecim Apostolis, dedit illis virtutem & potestatem super omnia demonia, & ut languiores curarent.

In secundis Vesp: ad Mag: Ant.

Egressi duodecim Apostoli, circuibant per castella, evangelizantes & predicantes ubique.

Et fit commemoratio sequentis.

DIE XVI. JULIJ.

In festo SS. Andrea ac Benedicti Martyrum. Duplex.

ORATIO.

Deus, qui nos concedis Sanctorum Martyrum tuorum Andrea & Benedicti natalitia colere: da nobis in aeterna beatitudine de eorum societate gaudere. Per Dominum nostrum.

Alterá omnia de Communi plurimorum Martyrum prater Lektionen.

In secundo Nocturno.

Lectio V.

Sanctus Andreas Suiradus, quem alij Zoerardum nominant ex Polonia provincia ortus, Christiana religione tum primum in Polonia & Hungaria florente, vitam monasticam in cernobio Zobor dicto, apud Nitriam civitatem, sub Philippo Abbate professus est. Mira illius viri austeritas, carnisque mortificatio predicatur: quippe qui prater triduam

frequentem inediam. Quadragessimam quoque solis quadraginta nunciis contentus transigeret; nihilominus tamen interdum operaretur, noctu vero vix quidquam quietis caperet. Sedenti enim iuxta spineam sepem somnus erat lumbisq; catenam occultam aerea praecinctis. & sancti tui Domine.

Lectio VI.

Verumtamen in tanta ciborum paritate, nunquam ab elaboratione cessavit: sed accepta securi solitaria sylvam penetrabat recessum, ibidemque tandem in opere persistebat, quoad nimio labore fractus, humi laberetur. Accidit autem, ut die quodam sic instar mortui iaceret, cumque, dubio procul, ab omni humano solatio destitutus, extremum spiritum edidisset; tum subito juvenis eximio praefulgens candore, qui eum vehiculo impositum, ad cellam perduxit, ac protinus evanuit; cum vero Andreas, ut collectis viribus cognovit benigna Dei misericordia tanto periculo se esse liberatum, exultare, & gratias agere cepit, Benedictum suum discipulum, ne ante diem obitus suam rem admirabilem promulgaret, iuramento obstrinxit. & Verbera carnificum.

Lectio VII.

Cum iam extremus immineret vitae dies, tum Andreas, illis, qui eum circumstantibus, praecipit, ne quid vestimentorum, quibus operiebatur, auferrent, usque dum abbas ipse Philippus, qui accersitus expectabatur, adesset. Abbas autem eo defuncto adveniens, ut primum sacrum corpus de more lavandum attigit, catenam aeneam ipsis visceribus penitus inhaerentem invenit. Proterus quidem hoc martyrij genus occultum mansisset, nisi ad umbilicum ligati nodus apparuisset metalli. Soluta vero catena dum

dum ex corpore trahébatur, costarum
fonus elisarum, omnium aures cum hor-
rore replebat. *R.* Tanquam aurum.

Lectio VIII.

Andrea, in huiusmodi sanctis exer-
citijs defuncto, Benedictus eius di-
scipulus genere itidem Polonus, succes-
sit: magistrique mores, & vitam imita-
tus, triennio supervixit. A latronibus
denique spe inveniendæ pecuniæ truci-
datus, & in flumen proximum Vagum
nómine proiectus est. Vbi corpus eius
demersum, anno toto sub aquis delituit:
tandem aquilæ, locum quotidie obser-
vantis, indicio inventum est integrum,
& incorruptum: in temploque sancti
Emmerami corpore sui magistri apposi-
tum est. *R.* Certamen magnum.

In tertio Nocturno.

Homilia in Evangelium. Descendens Ie-
sus de monte. de Communi Martyrum.

In secundis Vesp. comm. S. Alexij.

*S. Hyacinthi Confessoris festum celebratur in
Polonia Dominica proxima post festum As-
sumpt. B. M. V. sub ritu duplici ex indul-
to Sedis Apostolica.*

Extra Poloniam. xvi. Augusti.

Omnia prout in Breviario die ut supra.

In festo Translationis.

S. CASIMIRI.

*Dominica prima post Octavam Assumptionis
B. M. V. sub ritu duplici, ex indulto Inno-
centij x. Pontif. Maximi. Omnia dicun-
tur ut in eius Festo iv. Martij. prater ora-
tionem & lectionem qua sequitur.*

ORATIO.

DEus, qui Beatum Casimirum de mun-
di & carnis victória triumphantem
à terréno ad cæléste Regnum transtulisti;
da quæsumus, ut qui eius hódie memó-
riam Translationis agimus, eiusdem sem-

per in adversitatibus experiámur suffra-
gia. Per Dóminum nostrum.

In secundo Nocturno.

Lectioni octava hac apponi debent.

In cuius honórem plúribus etiam per
Ioánnem Casimirum Regem gratijs
in regni tutelam advérsus infidéles re-
céptis, pietáte primùm Sigismundi ter-
tij Vilnæ régie extructo, & à Vladislao
IV. pari munificéntia absoluto sacello,
& illuc corpore honorificentissimè trans-
lato: eiusmodi Translationis memória
hodie ipso Ioánni Casimiro de hoc Sedi
Apostolicæ supplicante anniversaria ce-
lebritate cõlitur. Et quoad diem cele-
brandi festum, & Officium sub ritu Dú-
plici per totum Regnum Poloniæ illum
transfèrri in Dominicã primã post Octa-
vam Festi Assumptiõnis Beátæ MARIÆ
Virginis, Innocentius x. indulsit.

DIE XXVII. SEPTEMBRIS.

Translatio Sancti Stanislai

Duplex.

*Omnia ut in ipso die festo S. Stanislai in
Maio exceptis Lectionibus in primo Noct.
leguntur de comm. unius Mart. nisi occurrant
dicenda de Dominica precedenti.*

In secundo Nocturno.

Lectio V.

Ecce enim Stanisláus computátus
est inter filios Dei, & inter san-
ctos fors illius est. Honorifi-
cavit eum Pater æternus, qui in
cælis est: cêntuplum accépit in hac vi-
ta, & vitam æternam possédit. Nam
qui vivus cæcis viam demonstrabat,
mórtuus cæcos illúminat: qui vivus u-
num solúm mórtuum, magna nôstri or-
bis admiratióne, à mortuis excitavit;
mórtuus plures de sorte mortis sustulit:
qui vivus ferro Boleslái cessit, mórtuus
uni-

universos exercitus. atque acies integras, piórum regum patronus & adiutor, gentisq; suæ amator, fugat. Itaque cum locus ille, ubi depositus fuit, pópuli frequentiam, quæ illuc opis causa confugièbat, continere non posset, Lambertus huius nominis tertius, successor eius, & Princeps Vladislaus, divinis visionibus admóniti, ossa Sancti, odórem suavissimum spirantia, sanctè ac reverèter in primum templum Cracoviense, sancti Venecessai tum dictum, transferunt. Sic suo altari Pontifex, Cathedræ Doctor, templo Episcopus, pópulo pastor, post decennium restituitur. *R.* Lux perpetua.

Lectio VI.

Post centum tandem & septuaginta annos, excitat Dóminus spiritum Prandotæ Episcopi Cracoviensis, viri Sancti, Boleslai item Ducis, cum sua coniuge Kinga, femina castissima. Qui miraculis Sancti Episcopi collectis, & fide publica, tanquam igni probatis, legatos ad Innocentium Quartum Summum Pontificem mittunt: atque ut tantum virum in numerum Sanctorum referre velit, diligenter precantur. Fit consultatio Assisij, ubi tum fortè erat summus Pontifex. Inter alios tum unus adverbabatur causæ divi Stanislai Reinholdus Cardinalis Ostiensis, vir primæ auctoritatis, incidit hic in gravem & letalem morbum: cui in somnis apparet divus Stanislaus, indignè illum facere docens, qui Dei resistat voluntati: excitatur senex, Divo se commendat, convalescit, causam antea oppugnata tuetur. Fit summus consensus omnium: Episcopus Sanctus inter Martyres refertur. *R.* In servis suis.

Lectio VII.

Contigerat, Deo ita ordinante, inter ipsam rem sacram, ut mórtuus a-

dolèscens à matre in illud templum divi Francisci dictum deducèretur. Pontifex Deum supplex precatur, ut novo miraculo factum suum confirmet: erigit se subito adolescens: fit ingens lætitia ómnium. Summus Pontifex pro suggestu grátias Deo agit: Martyrem luculentissima oratione celebrat: diem viij. Idus Maij memoriam eius solemnem assignat. *R.* Filix Ierúsalem,

Lectio VIII.

Redeunt legati cum ingenti lætitia, annuntiantes, quanta Deus fecit cum Martyre suo. Prædota Episcopus ossa Sancti ex pulvere terræ sublevar, eaque pro more solito in altari condit, Boleslao Rege Pudico, ac Regina pudicissima cæterisque Episcopis ac Ducibus regni & vicinarum Provinciarum assistentibus. Et factum est in illa die gaudium magnum: benedixitq; Dóminus novissimis Stanislai, magis quam principio eius. *R.* Lætabitur iustus.

In tertio Nocturno.

Lectio Sancti Evangelij secundum Ioannem.

Lectio IX. Cap. 10. b.

In illo tempore: Dixit Iesus Phariseis: Ego sum pastor bonus. Bonus pastor animam suam dat pro óvibus suis. Et reliqua.

Homilia Sancti Basilij Episcopi.

Quomodo cum magna dicit: Ego manu mea firmavi terram, ego produxi cælos solus: quomodo cum alia dicit, quæ digna sunt dici de Deo, sic dicit: Ego sum pastor bonus. Arcet degéneres, & veritatem sibi ipsi vindicat: Ego sum pastor ille bonus. Disce quis sit pastor, & quis sit bonus ille. Ipse hoc interpretatur: Bonus pastor animam suam ponit pro óvibus suis: mercenarius vero,

rd, & qui non est pastor, cuius non sunt oves propriæ, illi nihil est curæ, quando lupum venientem videt. Hic quærit Ecclesia: Si Dominus pastor est, quis fit mercenarius pastor? Num diabolus? Et si diabolus mercenarius pastor est, quis fit lupus. At lupus diabolus est, bestia immanis, rapax, insidiosa communis omnium hostis. Habeat itaque propriam appellationem mercenarius pastor. *R.* Ego sum vitis vera.

Lectio X.

Tunc quidem mercenarios pastores Dominus vocavit, ad eos conversus, qui tunc erant: sunt verò & nunc (quod minimè vellem) qui, non ut profint ovibus, pastores agunt: quibus propriæ mercenariorum appellatio convenit. Tunc Principes sacerdotum notabantur & Pharisei, & tota illa secta Iudæica: illos dixit mercenarios esse pastores, qui non veritatis, sed quæstus sui gratia pascendi potestatem usurpant: qui vano prætextu precationibus instabant, ut panem comederent viduarum & orphanorum. Mercenarij sunt, qui proprium compendium curant. Qui præsentia factantes, ad futura non aspiciunt, mercenarij sunt non pastores.

Lectio XI.

Et cognosco oves meas, & cognoscunt me meæ. Quid vocat cognoscere? Oves meæ inquit, vocem meam audiunt. Ecce quomodo cognoscatur Deus, ex eo, quod præcepta illius, audimus: ex eo, quod illa audientes opere adimplemus. Hæc demum est cognitio Dei, observantia videlicet præceptorum Dei, non inanis illa curiositas, non essentia Dei, & supramundanorum investigatio, non rerum invisibilium consideratio. Satis tibi sit, scire pastorem esse bonum, animam suam posuisse pro ovibus. Quan-

tus verò sit Deus, & quæ illius mensura & qualis essentia; talia sciscitanti sunt periculosa, ei autem qui rogatur perplexa: & talium medicina est silentium. *R.* O venerandam.

Lectio XII.

Qui vero nostram hanc panegyricam congregavit, nos custodiat indemnes, illæsos, & à lupi rapacitate securos, ecclesiam hanc immotam, ac magnis Martyrum turribus munitam, conservet: omnes furentium hæreticorum, insidias & incursum, in tranquillitate ac silentio avertat: nobis verò donet, ut divina oracula discamus & doceamus, subministrata à Spiritu Sancto gratia: cui cum Patre & Filio sit gloria & imperium, nunc & semper & in sæcula sæculorum, Amen. *R.* Pastor cadit.

Evangelium & Oratio ut supra in die Festi. Vesp: à Capitulo de sequenti.

DIE XVIII. SEPTEMBRIS.

In festo S. Venceslai Martyris.

Duplex.

Omnia dicuntur prout in Translatione ejusdem die v. Martij.

DIE X. OCTOBRIS.

Officium Gratiarum actionis pro

Victoria ex Turcis.

Anno MDC. XXI. eodem die obtenta. Duplex.

Ad Vesperas Antiphona.

Cantemus Domino. cum reliquis de Laudibus. Psal. Dixit Dominus: cum reliquis de Dominica.

Capitulum. 2. Cor. 1.

Benedictus Deus & Pater Domini nostri Iesu Christi, Pater misericordiarum, & Deus totius consolationis, qui

qui consolatur nos in omni tribulatione nostra. *Rz. br.* Adorabant Sancti * Viventem in sæcula. Adorabant. *Ÿ.* Et mittebant coronas suas ante thronum Dei. Viventem. Gloria Patri. Adorabant.

Hymnus.

Superne regum Rex bone
Fons pacis & victoriæ.
Deus Pater sperantium
Vltor superbientium
Ad iussa cuius turgidæ
Maris procellæ subsident
Iras leones exuunt.
Sol stat stupens, nec se movens
Quo fulgurante desuper
Gentes feroces expavent.
Hostes tremunt mali fremunt
Boni triumphant gaudio
Tu barbaros Osmanicos
Apros fugas è vinea
Poloniæ Regnum tuæ
A clade dira vindicans,
Ergo tuo celsissimo
Sit nòmini laus, gloria,
Qui trinus ac unus Deus
Per sæcla vivis omnia.
Ÿ. Sancti per fidem fortes facti sunt
in bello.
Rz. Castra vertèrunt exteròrum.

Ad Magnificat Antiphona.

Benedictus Dòminus Deus noster, qui docet manus nostras ad prælium, & digitos nostros ad bellum.

O R A T I O.

Deus, qui in summis Regni nostri periculis antiqua bráchij tui miracula renovasti; suscipe gratiàrum actiones exultantium populòrum: & quibus tanti gaudij causam præstitisti, perpètua fructum concède lætitiæ. Per Dòminum nostrum.

Ad Matutinum Invitator:

Regem qui redimit de interitu vitam.
* Venite adorèmus. *Psalmus.* Venite exultèmus. *Hymn.* Superne regum. *ut in Vesp.*

In primo Nocturno Antiphona.

Fortitudo mea & laus mea Dòminus, & factus est mihi in salutem. *Psalmus.* Domine Dominus noster. *cum reliquis ut in Feslo SS. Trinitatis.*

Antiphona. Dignus es Dòmine accipere glòriam, honòrem, & virtutem. *Psalm.* Cæli enarrant. *Antiph.* Tua est, Dòmine, magnificentia, & potentia, & glòria, atq; victòria. *Psalm.* Domini est terra. *antiphona.* Dòminus virtutem populo suo dabit, Dòminus benedicet populo suo in pace. *Psalm.* Afferte Domino. *Antiph.* Ecce oculus Dòmini super timentes eum, & in eis qui sperant super misericòrdia eius. *Psalm.* Exultate iusti in Domino. *Antiph.* Dòminus virtutum nobiscum, susceptor noister Deus Iacob. *Psalm.* Deus noster refugium & virtus.

Ÿ. Benedic anima mea Domino.
Rz. Et omnia quæ intra me sunt, nòmini sancto eius.

De libro secundo Machabeòrum.

Lectio I. cap. 15.

ET Nicànor quidem cum summa superbia erectus, cogitaverat cò-mune trophæum statùere de Iuda. Machabæus autem semper confidebat cum omni spe auxilium sibi à Deo affuturum: & hortabatur suos, ne formidarent ad advèntum natiònum, sed in mente habèrent adiutoria sibi facta de cælo, & nunc sperarent ab Omnipotente sibi affuturam victòriam. Et allocùtus eos de lege & Prophetis, admonens etiam certamina quæ fecerant priùs, promptiòres constituit eos? & ira

& ita animis eorum erectis, simul ostendebat Gentium fallaciam, & iuramentorum pravaricationem. Singulos autem illorum armavit non clypei & hasta munitio, sed sermonibus optimis & exhortationibus. Exhortati itaque Iudae sermonibus bonis valde, de quibus extolli posset impetus, & animi iuvenum confortari, statuerunt dimicare & configere fortiter, ut virtus de negotijs iudicaret. *R.* Facile est concludi multos in manu paucorum, & non est differentia in conspectu Dei caeli. * Liberare in multis, & in paucis.

Y. Non in multitudinem exercitus victoria belli, sed de caelo fortitudo est. Liberare.

Lectio II.

ET, cum iam omnes sperarent iudicium futurum, hostesque adessent, atque exercitus esset ordinatus, bestiarum, equitumque opportuno in loco compositi, considerans Machabaeus adventum multitudinis, & apparatus varium armorum, & ferocitatem bestiarum, extendens manus, in caelum prodigia facientem Dominum invocavit, qui non secundum armorum potentiam, sed prout ipsi placet, dat dignis victoriam. Dixit autem invocans hoc modo: Tu Domine, qui misisti Angelum tuum sub Ezechia Rege Iuda, & interfecisti de castris Sennacherib centum octoginta quinque millia: & nunc dominator caelorum, mitte Angelum tuum bonum ante nos in timore & tremore magnitudinis brachij tui, ut metuant, qui cum blasphemiam veniunt adversus sanctum populum tuum.

R. Quis similis tui in fortibus Domine, quis similis tui? Magnificus in sanctitate: * Terribilis, atque laudabilis, & faciens mirabilia. *Y.* Dux fuisti in misericordia populo, quem redemisti Terribilis.

Lectio III.

Nicanor autem, & qui cum eo erant, cum tubis & canticis admovebant: Iudas vero, & qui cum ipso erant, invocato Deo, per orationes congressi sunt: manu quidem pugnantes, sed Dominum cordibus orantes, prostraverunt non minus triginta quinque millia, praesentia Dei magnifice delectari. *R.* Procidebant viginti quatuor Seniores ante sedentem in throno, & adorabant viventem in saecula saeculorum: * Et mittebant coronas suas ante thronum.

Y. Dignus es Domine Deus noster accipere gloriam, honorem, & virtutem. Et mittebant.

Lectio IV.

Cumque cessassent, & cum gaudio redirent, cognoverunt Nicanorem ruisse cum armis suis. Facto itaque clamore & perturbatione excitata, patria voce omnipotentem Dominum benedicebant. Itaque omnes communi consilio decreverunt nullo modo diem istum absque celebritate praeterire.

R. Gloria Patri, genitrici, & tibi compar utriusque; semper Spiritus alme, Deus unus. * Omni tempore saeculi, *Y.* Da gaudiorum praemia, da gratiarum munera, dissolve litis vincula, astringe pacis foedera. Omni. Gloria Patri. Omni.

In secundo Nocturno Antiphona.

Adonai Domine, magnus es tu, & praeclarus in virtute tua, & quem superare nemo potest. *Psalm.* Omnes Gentes. *Antiph.* Non in multitudinem exercitus victoria belli, sed de caelo fortitudo est. *Psalm.* Magnus Dominus. *Antiph.* Vir obediens loquetur victoriam, vir impius procaciter obfirmat vultum suum. *Psalm.* Deus iudicium tuum. *Antiph.* Edificavit Moyses altare; & vocavit nomen

men eius, Dóminus exaltatio mea. *Psal.*
Cantate Dómino canticum novum: *
cantate, *antiph.* Dóminus cónterens bella,
Dóminus nomen est illi. *Psal.* Dómi-
nus regnavit. *antiph.* Dóminum formi-
dabunt adversarij eius, & super ipsos in
cælis tonabit. *Psal.* Cantate Dómino
canticum novum; quia.

Ÿ. Iste Deus meus & glorificabo eum.
R. Deus Patris mei & exaltabo eum.

Lectio V.

Sigismundo Tertio Rege, Osmanus
Turcarum tyrannus immensis ex
Európa, Asia, Africa contractis copijs,
Tartárorum etiam Principe, qui longe
maiórem iusto ducebat exercitum, in-
belli societatem accito, Republicæ Chri-
stianæ vastitatem atq; excidium minitâs
in Polóniam movit. Tanti adventan-
tis hostis fama minimé consternatus Si-
gismúndus, cum sciret non in multitu-
dine exercitus victóriam, sed de celo
esse fortitudinem ope divina suppliciter
implorata, Dei genitrice, Regniq; Patrô-
nis conciliatis, fortiter constanterq; bel-
lum suscepit.

R. Tu venis ad me cum gladio & ha-
sta, & clypeo: * Ego autem venio ad
te in nomine Dómini exercituum.

Ÿ. Dabit te Dóminus in manu mea, &
percútiat te, & auferam caput tuum.
Ego autem venio.

Lectio VI.

Præmissus ad fines Poloniæ non ma-
ximo número exercitus, qui hoste
sustinêret, dum Sigismúndus omnem
Regni nobilitatem trahens adveniret.
Castra in hostili ditione ad Chócimum
pósita, ut bellum potius inferre, quam
illatum repêllere Poloni videréntur.

R. Persequébâtur unus mille: * Et duo
fugabant decem millia. Ÿ. Nonne ideo
quia Deus suus vendidit eos, & Dómi-
nus conclúsit illos. Et duo.

Lectio VII.

Decies, & quidem comite semper vi-
ctória, acie pugnatum: tóties à
castrórum oppugnatione ingénti cum
clade reiectus hostis, tóties erupere no-
stri feliciter, Turcarum stációs prospé-
rè tóties incurfavere, ut Dóminum e-
xercituum à nobis stare apertissimè pa-
têret. R. Dextera tua Dómine magni-
ficata est in fortitudine: * Dextera tua
Dómine percússit inimicum. Ÿ. In
multitudine glóriæ tuæ deposuisti ad-
versarios tuos. Dextera tua.

Lectio VIII.

Fracta tandem tot cládibus inflatis
Osmani contumácia: cum se fru-
stra advérsus Deum pugnare intellexis-
set, ad ipsos Polóniæ fines eódem in-
loco mensem integrum, eóq; ampliùs
hæsisset inglórius, sexaginta militum mil-
lia cæsa desiderâret, maiórem longè nú-
merum belli incommoda absumpissent,
stratos suórum cadaveribus undique cam-
pos cérneret, ipse iam Sigismúndus cum
Polóniæ flore maióribus copijs immi-
nêret, qui bellum intúlerat, pacem ex-
pétijt, acceptisq; conditionibus sexto
Idus Octóbris prior castra movit, ex
appetita armis Polónia nihil omninò
præter ignominiam & dédecus reporta-
turus. Is dies, in tanti beneficij me-
móriam, ut Deo sacer, festusq; Poloniæ
ac solémnis perpétuò in pósterum fo-
ret, Sigismúndus ipse Rex, Regniq; An-
tistites à Gregório Quintodécimo impe-
travêre: mox Vladislâo, qui parenti suc-
cesserat, & in castris belli tempore fú-
erat, ut próprio ac peculiári officio ad
grátias agendas accomodato Horas ca-
nónicas eódem die Polónia persolveret,
Vrbánus Octavus indúlit.

R. Honor, virtus, & potestas, & im-
périum sit Trinitati in unitate, unitati

in Trinitate. * In perenni sæculorum
tempore. *Ps.* Benedicat nos Deus, De-
us noster, benedicat nos Deus. In pe-
renni. Glória Patri. In perenni.

In tertio Nocturno Antiphona.

Dóminus quasi vir pugnator ómnipo-
tens nomen eius. *Canticum.* Cantemus
Domino. *ex feria quinta, quod dividatur
in tres Glorias.*

Ps. Bénedic ánima mea Dómino.

R. Dómine Deus meus, magnificatus
es veheménter.

Homilia in Evangelium. Cum audieritis
prælia. *de communi plurimorum Martyr.*

R. *ix.* Réddidit Dóminus iustis mercé-
dem labórum suórum, & dedúxit eos
in via mirabili. * Et fuit illis in velamé-
to diei, & in luce stellárum per noctem.
Ps. Tránstulit illos per mare rubrum,
& transvexit eos per aquam nimiam,
Et fuit.

R. *x.* Iusti tulerunt spólia impiórum,
& decantavérunt Dómine nomen san-
ctum tuum. * Et victricem manum
tuam laudavérunt pariter. *Ps.* Sapien-
tia apéruit os mutórum, & linguas in-
fantium fecit disertas. Et victricem.

R. *xj.* Benedicamus Patrem & Filium
cum sancto Spiritu. * Laudémus &
super exaltémus eum in sæcula. *Ps.* Be-
nedictus es Dómine in firmaméto cæ-
li, & laudabilis, & gloriósus in sæcu-
la. Laudémus.

R. *xij.* Te Deum Patrem ingénitum,
te Filium unigénitum, te Spiritum san-
ctum Paráclitum, Sanctá & individuum
Trinitátem toto corde & ore confité-
mur, laudámus atq; benedicimus: *

Tibi glória in sæcula. *Ps.* Quoniam
magnus es tu, & faciens mirabilia, tu
es Deus solus. Tibi gória in sæcula.
Gloria Patri.

Evangelium. Cum audieritis. *Oratio.* De-
us, qui in summis, &c.

A D L A U D E S.
& per Horas Antiphona.

CAntémus Dómino, glorióse enim
magnificatus est: equum & ascen-
sorem deiéxit in mare. *Psalm* Domi-
nus regnavit. *cum reliquis 25. Antiphona.*
Déxtera tua Dómine magnificata est in
fortitudine: déxtera tua percússit ini-
micum. *Antiph.* Arcus fortium supera-
tus est, & infirmi accincti sunt robore.
Antiphona. Iusti decantavérunt Dómine,
nomen sanctum tuum, & victricem ma-
num tuam laudavérunt pariter. *Antiph.*
Ego autem in Dómino gaúdebo, & e-
xultabo in Deo Iesu meo.

Capitulum.

Benedictus Deus & Pater Dómini no-
stri Iesu Christi, Pater misericordia-
rum, & Deus totius cōsolatiōnis, qui cō-
solatur nos in omni tribulatione nostra,
R. *br.* Iusti decantavérunt Dómine. *
Nomen sanctum tuum. Iusti. *Ps.* Et
victricem manum tuam laudavérunt pá-
riter. Nomen. Gloria Patri. Iusti.

Hymnus.

Rex magne, Rex altissime,
Virtutis è Throno tuæ
Æternitatem partiens,
Et regna mundi transferens;
Quam sunt inaccessæ tui
Profunditates consilij!
Vt est procul cælum solo,
Arcana sic procul tua,
Thrax en furóris férrea
Qui virga divini fuit,
Nunc ipse pœnas áriter
Iussu tuo demens luit.
Sic corda, quando cæteris,
Cædem superbè détonant,
Cæduntur, & casu suo
Dei timórem prædicant,
Patri Deo sit glória,
Eiusque soli Filio,

Cum

Cum Spiritu, qui perpèti:
Mundum regis custodia. Amen.
Ÿ. Non est similis tui in dijs Dómine.
R. Et non est secundum ópera tua.

Ad Benedictus Antiphona.

Benedicimus Deum cæli, & coram ómnibus vivéntibus confitebimur ei, quia fecit nobiscum misericordiam suam.

O R A T I O.

DEus, qui in summis Regni nostri periculis antiqua bráchij tui miracula renovásti, suscipe gratiarum actiones exultantium populórum: & quibus tanti gáudij causam præstitisti, perpétuæ fructum concède lætitiæ. Per Dominum nostrum.

Ad Tertiam Ant. Dextera tua. Capitulum.
Benedictus Deus, &c. ut supra in Laud.

Ÿ. Iusti decantavérunt Dómine nomen sanctum tuum. R. Et victricem manú tuam laudavérunt pariter.

Ad Sextam antiph. Arcus fortiú. Capitulum.

O Quàm bonus & suavis est Dómine, spiritus tuus in ómnibus! Ideoq; eos qui exerrant, partibus corripis; & de quibus peccant, admones, & allóqueris: ut relicta malitia, credant in te Dómine. Ÿ. Adorabát sancti vivéntem in sæcula. R. Et mittebant coronas suas ante thronum Dei.

Ad Nonam Antiph. Ego autem. Capitulum.

TV autem dominator virtútis cum tranquillitate iudicas, & cum magna reverentia dispónis nos: subest enim tibi, cum volúeris posse. Ÿ. Dignus es, Dómine Deus noster. R. Accipere glóriam honórem, & virtútem.

In secundis Vesperis omnia ut in primis, excepta Antiphona ad Magnificat.

Dómine Rex omnipotens, in ditióne tua cuncta sunt posita, & non est qui possit resistere voluntati tuæ, si decreveris salvare Israël.

DIE XV. OCTOBRIS.

In Festo S. Hedwigis Viduæ Dupl.

Ad Vesperas antiphona. Dum esset Rex. cum reliq. ut in communi nec Virg. nec Mart.

O R A T I O.

DEus gratiæ dator & gloriæ, tuæ nobis propitijs sinum pietatis áperi, & præsta, ut qui manéntem civitatem hic non habémus, ad futuram, quam quærimus, B. Hedwigis intervéniente suffragio perducamur. Per Dóminum.

Deinde fit comm. S. Calisti Papa & Mart. Antiph. Qui vult venire. Ÿ. Iustus ut palma. de com. unius Mart. Oratio. Deus, qui nos conspicis.

In primo Nocturno Lectiones.

Mulierem fortem quis inveniet, de communi nec Virg. nec Mart.

Lectio V.

HEDWIGIS Berholdi Marchiõnis Moraviæ Cómitis Tirolénsis & Agnêtis filia, sanctæ Elisabethæ matertera, duodécimo anno Henrico Longobardo Principi Poloniæ & Boemiæ in matrimoniú data; illud semper honorabile & immaculatum custodivit, nullum ieiunium, aut diem festum iudicans, quem castitatis mérito non condidisset. Nihilominus in summa castitate & continéntia, facta est sicut vitis abúndans in lateribus domus suæ, & filij eius sicut novellæ in circuitu mensæ. Filios enim tres, totidemq; filias viro suo protulit. Ex quibus Henricus fórtia pro religióne Christiana aggressus, & tanquam alter Iudas Machabæus, castra Dei cõtra Tartaros protegens, martyrij palmam promeruit. Filia Gertrúdis virgo perpetua permansit. Fructu matrimoniij Hedwigis quæsito, redditusq; nov alium fructibus, feriari ab ópere connubiali incipit eadem marito persuadet. Fit spiritúalis desponsatio in manu Pontificis, vivit inter

inter sponfos Angélica vita per annos vigintiocto, non coram hominibus tantum, sed etiam coram Deo. *R.* Propter veritatem.

Lectio VI.

Parat deinde Hedwigis sedem futuræ castitati; amplissimum Trebnicénsis monasterium extruit, filiam Gertrúdem prius illuc præmittit; magnos greges virginum sanctarum collegit: ipsa demum consequitur. In oratione diurna atque nocturna, nudis, etiam média hieme, pedibus assidua: in ieiunijs multis. per totos quadraginta annos perseveravit: ita ut die Dominico, tertia & quinta Ferla piscibus & lactarijs tantum Sabbatho & Feria secunda aridis leguminibus, quarto & sexto die aqua & pane solo dumtaxat vesceretur. Pedes pauperum, quos tredecim semper ubique secum circumduxit, lavit: ulcera eorum ligavit, captivos redemit, subditos oppressos tutata est. Irata à nemine unquam visa est, contenta ea obiurgatione, Deus tibi parcat. *R.* Dilexisti iustitiam.

Lectio VII.

Non caruit diva Hedwigis miraculorum ac prophetiæ spiritu & gratia: nam & duabus sanctimonialibus visum restituit: & duos recentes suspensos, magna omnium admiratione, ad vitam revocavit. Mortis item mariti sui tempus & rationem longè antè prædixit: & filij eodem modo: cuius eadem eo ipso quo casus est die in remotissimis partibus cognovit: & ipsa diem obitus multò prius præsensit & prædixit. *R.* Fallax gratia.

Lectio VIII.

Itaq; priusquam morbo gravi correpta fuisset, sacram unctionem accipit. Sanctimoniales se agram sine permissione superiorum invisentes pepulit; nihil sanctum esse docens, quod cum obedi-

entia maiorum susceptum non esset. Priusquam moreretur, magna hilaritate Sanctos cum splendida luce ad se venientes salutavit. Mortua est die S. Matthæi hora vespertina, qua ieiunia sua pane solo reficere solēbat, anno salutis humanæ millésimo ducentesimo quadragésimo tertio. *R.* Et post multis editis miraculis in numerum Sanctorum à Clemente Quarto relata est. In cuius Canonizatione mulier cæca visui restituta est.

R. Quam pulchra es.

In tertio Nocturno Homilia in Evangelium. Simile est regnum cælorum thesauro. ut in communi nec Virg. nec Mart. In secundis Vesperis commemor. S. Galli Abbatis.

DIE XX. OCTOBRIS.

Translatio S. Adalberti Dupl. Omnia de communi unius Martyris, præter Lectiones secundi Nocturni que leguntur ut in festo 23. April. Adalbertus Episcopus Pragensis. RR. xj. & xij. Antiphona ad Magnificat & Benedictus propria sine alleluia. Vespera a Capitulo de sequenti Festo cum commemoratione præcedentis & S. Hilariionis Abbatis.

DIE XXI. OCTOBRIS.

In Festo S. Ursulæ & Sociarum eius. Duplex.

Omnia de communi virginum. præter ea que sequuntur. In Vesperis & Laudibus Antiph.

Prudentes Virgines aptate vestras lapides: ecce Sponsus venit, exite obviam ei. *V.* Adducuntur Regi Virgines post eam. *R.* Proximæ eius afferentur tibi.

ORATIO.

DA nobis, quæsumus Domine Deus noster, sanctarum Virginum & Martyrum tuarum, Ursulæ & Sociarum eius, palmas incessabili devotione venerari: ut quas digna mente non possumus celebrare, humilibus saltem frequentemus obsequijs, Per Dominum.

Ad Marutinum Hymnus.

Virginis Proles Opifexque Matris,
Virgo quem gessit peperitq; Virgo,
Virginum festum canimus trophæum
Accipe votum.

Hæc cohors palmæ duplicis beata
Sorte, dum gessit fragilem domare.
Corporis sexum domuit cruentum
Corpore sacrum.

Vnde nec mortem, nec amica mortis
Sæva pœnarum genera pavescens,
Sanguine effuso meruit serenum
Scandere cælum.

Cuius ergo nos precibus cohortis
Expia a pœnis scelerum, Redemptor
Ut tibi puto resonemus alnum
Pectoris hymnum.

Gloria Patri, genitæq; Proli
Et tibi compar utriusq; virtus
Spiritus semper Deus unus omni
Tempore sæcli. Amē.

Lectio V.

Ursula, sanctitate, sapientia, & pulchritudine insignis; filia unica Regis Britannia Christianissimi fuit. Quam cum Rex Angliæ gentilis idemque potentissimus, filio suo, missis eo sollemnibus nuntiis, uxorem expeteret; ipsa divinitus præmonita, persuasit Patri, ut consentiret ea conditione ut Rex ille & Pater decem primæ ætatis virgines, & forma & genere lectissimas perquirerent, & tam sibi, quam singulis earum, mille alias virgines honestissimas consociaret. comparatisq; ad numerum ipsarum undecim trirennibus inducias triennij sibi darent ad dedicationem virginittatis suæ; ipse verò iuvenis sacro renovatus lavacro, in fide Christi interim instrueretur. R. Propter veritatem.

Lectio VI.

EX hoc condito, Virginibus, trirennibus, viris pro comitatu & sumptibus præter spem celerius comparatis,

per triennium belli præludia, multis undiq; ad spectaculum confluētib; ab ipsis celebrata sunt. Tandem cum Ursula omnes Virgines socias suas, ad Christum convēsas, tam verbis, quam exemplis, ad castitatis propositum erudisset, sub unius diei noctisq; spatio vento prospere ad portum Gallia Tila, & inde Coloniā delata sunt: & ex eo loco Angelica visione instructæ, Basilæam applicuerunt, religatisq; ibi trirēnibus, pedestri itinere Romam venientes, magno applausu Cleri & populi exceptæ sunt. R. Dilexisti iustitiam. Lectio VII.

Ubi cum per aliquot dies perlustratis diversis Sanctōrum liminibus, pervigiles in oratione, Deo animas suas commendassent; peractis votis, itinere quo venerant, Coloniā sunt reversæ, ab Hunnis iam undiq; obsessam. Qui totam illam sanctam multitudinem, cui etiam sponsus Eleuthērius se iunxerat, immāniter trucidarunt; Coloniā sanguine & sepultura eorum clariore reddentes. R. Afferentur. Lectio VIII.

Post omnes verò candidissimi exercitus Regina, dum Principi Hunnorum in matrimonium consentire noller, icu sagittæ transverberata, super nobilem comitum suarum acervum, velut cæleste margaritū corruit. R. Prudētes virgines.

In tertio Nocturno Homilia in Evangel. de decem Virginibus.

DIE XII. NOVEMBRIS.

In Festo SS. Benedicti, Ioannis, Matthæi, Isaaci, atq; Christini, quinque fratrum Martyr. Duplex.

Ad Vesperas Antiphona. Omnes Sancti. cum reliquis Antiph. & Psalmi de Communi plurimorum Martyrum.

ORATIO.

Sanctorum nos, quæsumus Domine Martyrum tuorum, Benedicti, Ioannis, Matthæi, Isaaci, atq; Christini gloria

riosa hodierna die trophæa lætificent, quatenus eorum interventione, ad illam perveniâmus hereditatem, in qua iidem felices Angelorum cœtibus aggregati, tuæ semper Maiestatis perfruuntur ineffabili claritate. Per Dominum nostrum.

In primo Noct. Lectiones de script. curr.

In secundo Nocturno Lectio V.

Benedictus, Ioannes, Matthæus, Isaac, & Christinus fratres eremitæ Poloni, post Episcopi Adalberti, cuius erant peregrinationis cômities, necem, à Prussis multis contumelijs divexati, & Prussiarum finibus eiekti, in maiorem Poloniam redierunt. Et quod expe litiùs humana contemnerent & cœlestia spectarent, in vastam solitudinem apud Kasimiriã se recepérunt: ibiq; casis, quæ singulos caperent, stramento ædificatis, non extraneorum tantum, sed mutuam etiam consuetudinem fugiebant. Mirum Dei viris inerat abstinentiæ studium, cum aliqui eorum, semel duntaxat, alij, qui paulò tenuioris erant valitudinis, bis in hebdomada olèribus & aqua, pane nonnunquam adhibito, se reficerent. De qua austeritate victus, toto vitæ suæ tempore præterquam die sacratissimo Paschæ, quoad vixerunt, nihil remittebant; vestibus, quas è fetis, equorum sibi confecerant, contenti, Quies non stratis mollioribus accersita, sed si quid dandum fuerat fessis corporibus, humi iacentes, lapidem capitibus subiciebant. *R. Sancti tui.*

Lectio VI.

Tanta autem erat sanctitatis eorum fama, ut Boleslaus Chabrus pius & sanctus, isq; primus Polonorum Rex, præsens eos accederet eorum orationibus, se & suum regnum commendaret, grandiq; pecunia oblata, liberaliter & regiæ sanctos donaret. Sed beati viri post aurum non abeuntes, nec ullam in pecu-

nia thesauris reponentes spem, ut qui pro Christi nomine renuntiassent omnibus, è vestigio argentum regi, ut referat Barnabas, unus ex socijs, constituunt. Quod dum fit, ecce grassatores, qui cognoverant munificè à rege donatos, prima noctis vigilia adsunt; sanctos fratres in Dei laudibus opprimunt; extra casas protrahunt; gladios intendant. Ferenda vobis quamcumq; imposuerimus fortuna est; nisi quidquid ubicumque locorum argenti reconditum est, nostrum illico fuerit, minitantur. Quare aut pecuniam ultrò exponite, vel si moramini, vitam cum sanguine profundite. Sancti multis obtestationibus, regi esse reportatam, confirmant; quin etiam turguola ut excutiantur, potestatem dant. *R. Verbera carnificum.*

Lectio VII.

Sæva auri cupiditas, ubi nihil minus extorquet, reliquum spei tollendæ pecuniæ in verbèribus & supplicijs reponit. Deligantur fratres sancti ad palum, ignibus ad latera admotis exuruntur: deinde circa rotarum vertiginem, adstricti diutissimè verberantur: tota nox in crudelissima paupertatis sanctorum, & innocentiarum supplicia expenditur. Deniq; cum omnes iam artes potiendi argenti tentatæ essent, nec successisset; ne quid inausum de concepta crudelitate relinqueretur ab iisdem latronibus anno salutis humanæ, millésimo quinto, pridie Idus Novembris, in Dei laudibus constantissimè permanentes trucidantur. *R. Tanquam aurum.*

Lectio VIII.

Boleslaus nece sanctorum innocenti cognita, eadem gratiam, quam præbuerat vivis, servavit & mortuis: qui beatorum fratrum corpora honorificentissima sepultura Kasimiriæ in maiori Polonia condidit. Barnabas superstes in eremum

eremum reversus, vitæ fratrum suorum æmulus, assiduis orationibus, vigilijs, ieiunijsq; addictus, paulo post sancto fine quievit: & ipse pij Regis mandato ad fratres suos appositus, ut quibus in cælesti patria esset coniunctus, in terris eodem tumulo cum eis conditus quiesceret. R. Certamen magnum.

In tertio Nocturno.

Lectio Sancti Evangelij secundum Lucam. Lectio IX.

IN illo tempore: Dixit Iesus discipulis suis: Attendite à fermento Pharisæorum, quod est hypocrisis. Et reliqua. Homilia Venerabilis Bedæ Presbyteri.

Lib. 4. in Lucam. cap. 52.

DE hoc fermento Apóstolus præcipit: Ita q; epulémur, non in fermento veteri neque in fermento malitiæ & nequitiae, sed in ázymis sinceritatis & veritatis. Nam sicut modicum fermentum totam farinae, cui inijcitur, massam corrumpit, universamq; mox conspersiónem suo sapore commaculat: sic nimirum simulatio, cuius semel ánimus imbuerit, tota virtutum sinceritate & veritate fraudabit. Est ergo sensus: Attendite ne æmulémini simulatores, quia veniet profecto tempus, in quo & vestra virtus omnibus, & eorum reveletur hypocrisis. R. Propter testamentum.

Lectio X.

VERBUM quod sequitur: Quoniam quæ in tenebris dixistis in lumine dicentur: non solum in futuro, quando cuncta cordium abscondita proferentur ad lucem, sed & in presenti tempore potest congruenter accipi: quoniam quæ inter tenebras quondam pressurarum carcerumq; umbras vel locuti vel passi sunt Apostoli, nunc clarificata per orbem Ecclesia, lectis eorum actibus publice prædicantur. R. Hæc est vera fraternitas.

Lectio XI.

NE terreámini ab his qui occidunt corpus. Si persecutores Sanctorum, occisis corporibus non habent amplius quid contra illos agant; ergo supervacua furunt insania, qui mortua Martyrum membra feris avibusq; discerpenda proijciunt: cum nequaquam omnipotentis Dei, quin ea resuscitando vivificet, obistere possint. R. Corpora sanctorum.

Lectio XII.

DVO autem sunt genera persecutorum: unum palam sciencium, alterum fide fraudulenterq; blandientium. Contra utrumque nos munire atq; instituire volens Salvator, & supra ab hypocrisi Pharisæorum attendere, & hic à carnificum cæde præcipit non timere: quia videlicet post mortem nec horum crudelitas, nec illorum valeat simulatio durare. Nonne quinque passeris veniunt dipondio? Si minutissima, inquit, animalia, & quæ quolibet per aera feruntur volatilia, Deus oblivisci non potest; vos qui ad imaginem facti estis Creatoris, non debetis terreri ab his, qui occidunt corpus: quia qui irrationabilia animalia gubernat, rationabilia curare non desinit. R. Iustorum animæ.

Sequentia Sancti Evangelij secundum Lucam. Cap. 12.

IN illo tempore: Dixit Iesus discipulis suis: Attendite à fermento Pharisæorum, quod est hypocrisis. Nihil autem opertum est, quod non reveletur neq; absconditum, quod non sciatur. Quoniam quæ in tenebris dixistis, in lumine dicentur: & quod in aurem locuti estis in cubiculis, prædicabitur in tectis. Dico autem vobis amicis meis: Ne timeamini ab his, qui occidunt corpus, & post hæc non habent amplius quid faciant. Ostendam autem vobis quem timeatis; timeate eum qui postquam occiderit corpus, habet potestatem mittere

in ge-

E

in géhennam. Itaq; dico vobis, hunc timéte. Nonne quinque pásseres véneunt dipóndio, & unus ex illis non est in oblivióne coram Deo: Sed & capilli cápitis vestri omnes numerati sunt. Nolite ergo timére: multis pásseribus pluris estis vos. Dico autem vobis: Omnis, quicunq; conféssus fuerit me coram hominibus, & Filius hominis confitébitur illum coram Angelis Dei.

Oratio. Sanctorum nos, quæsumus. *Vespera de Omnibus Sanctis Monachis cum Commemor. Sanctorum Martyrum.*

DIE XIX. NOVEMBRIS.
In Festo Sanctæ Elisabeth Viduæ
Duplex.

Omnia de Comuni nec Virginū nec Martyrum, exceptis his quæ habentur propria.

ORATIO.

TVORUM corda fidélium, Deus miserátor illústra; & Beatæ Elisabeth précibus gloriósis, fac nos prospera mundi despícere, & cælesti semper consolatióne gaudére. Per Dominū nostrum.

Commemoratio S. Pontiani Papa & Mart. Antoph. Ille factus. V. Gloria & honóre.

Oratio. Infirmitatē. de comm. unius Mart.

In secundo Nocturno.

LECTIO V.

ELISABETH Andree Regis Hungariæ filia, ab infantia Deum timére cœpit, & crescens ætate, crevit etiam devotióne. Hæc postea Ludovico Langrávio Turingiæ in coniugem copulata, etsi ea quæ sui viri erant curâret, non minus quæ Dei sunt, sedula exequabatur. Nocturno namq; tẽmpore, à latere viri súrgens, oratióibus & genu flexiÓibus occupabatur, sicq; dum esset vir in accúbitu suo, nardus eius dabat sanctitatis odórem. Et licet extérius indueretur regalibus, ne terréni viri oculos offendere videretur, intérius tamen sub cilicij régmine cælestem sponsum ge-

rebat absconditum. Diebus singulis pietatis officio dedita, viduis, pupillis, ægróis, cárcerum inclúsis ergástulis, & egentibus singulis singulária subventiÓnis remédia subministrabat. Cuiusdam etiam páuperis, gravi cápitis languóre corrépti, quasi filij curam gerens, capillos eius manu condébat própria, caput fréquenter in pomárii secréto lavans, ut óculos súgeret ancillarum. Cúm Teutóniam gravis urgéret inédia, captáta viri abséntia domus suæ fruménta egentibus erogavit. R. Propter veritatem.

LECTIO VI.

Postquam autem à lege viri solúta est, depólitis glóriæ sæcularis exuvijs, ordinem Pœnitentium Beati Francisci ingressa, vilis túnice decóre vestitur; ac divitiarum contempta iactántia, & generositáte paréntū, nobilissimis orta natalibus, se mundo fecit ignobilem, ut nobilitaretur in cælis: pro coróna suscipiens cinerem & cilicium pro fascia pectoráli Pallébant ora ieiúnijs, abstinentiæ tenuitatē confécta: & iam mártirem adhuc vivéntem caro præmórtua testabatur. Dum autem die quadam defixis in cælum oculis contemplatióni vacaret, ut quasi de humanæ conversatiÓnis consortio videretur abstracta; Dei Filium dulcem Iesum ad se inclinatum cælis paténtibus vidit, inter alia sibi consolatiÓnis leniménta dicentem: Si tu vis esse mecum, ego ero tecum, & à te nullatenus separabor. R. Dilexisti iustitiam.

LECTIO VII.

TVnc sumpribus próprijs nóbile hospitale construxit ampla possessiÓne dotatum; suaq; pretiÓsa monilia, & grádem pecúniæ quantitatem eidem loco liberaliter est largita. Inquo recéptam multitudinem corporáli visítabat obsequio, affluenter eis necessaria subministrans, pedes eórum & capita incredibili huma-

humanitate lavando, & leproſorum ulcera etiam aspectu horribilia capitis ſui velo mundando. Deinde propinquorum deſtituta ſuffragio, caſtris & poſſeſſionibus cæteris ſpoliatur. Sed ipſa miſerationis ſolita non oblita, lanam manibus operabatur & linum, de ſui labôris impendio nudos pauperum humeros veſtitura. R. Fallax gratia

Lectio VIII.

Cumque in his ac plurimis alijs ſanctis operibus usque ad finem vite perseverasset, domesticis ſuis prædicens obitum ſuum, Deo ſpiritum reddidit anno Domini milleſimo ducentéſimo trigéſimo primo, tertio décimo Kalendas Decémbris. Sacrum autem corpus ipſius, poſt ſanctæ animæ ſeparationem, ſtatim cœpit plurimis & maximis coruſcare miraculis. Quibus auditis & certa fide compertis Dominus Papa Gregorius Nonus eam Sanctôrum collégio annumeravit. Quam pulchra es.

In tertio Nocturno Homilia in Evangelium. Simile eſt regnum cælorum theſauro abſcondito. de Communi non Virginum.

xii. Lectio de S. Pontiano Papa & Martyre, & in Laudibus commemoratio.

Dominica proxima poſt xiiij. Novembris. B. STANISLAI KOSTKA Soc: IESV. Confessoris. Duplex.

Omnia de Communi Confeſſ. non Pontificis, donec aliter ab Vrbe ſtatutum fuerit. Miſſa. Os iuſti. Epist. Iuſtus ſi morte. Evang. Sint lumbi. Dicitur. Credo.

DIE X. DECEMBRIS. In Feflo S. Barbaræ Virginis & Martyris. Duplex.

Omnia de Communi Virginum. Oratio. Deus qui inter cætera, &c.

Lectioes primi Nocturni de ſcriptura occurrente.

In ſecundo Nocturno.

Lectio V.

Barbara virgo Nicomediénsis, ob inſignem corporis elegantiam, Dioſcuro Patre nobiliſſimo viro in turrim inclufa, ab omnium oculis arcetur; ubi multa ſecum piè religioſeque meditata, tanto Chriſtiana religiónis amore, & ſervandæ caſtitaſis, exarſit; ut non modo nuptias à Patre oblatas reſpúerit, verum etiam ſe Chriſtû colere profeſſa, nefarium idolôrum cultum magna libertate perſtrinxit. R. Propter veritatem.

Lectio VI.

Dioſcorus ita filia verbis excanduit, ut eam Præſidi Marchiano, quod à propoſitô non deſiſteret, excruciantem tradiderit. Is illam primùm blanditijs, præmijs propoſitis, & honoribus, ad paternæ ſuperſtitiônis cultum eſt conatus adducere. R. Dilexiſti.

Lectio VII.

Cum verò à fidei conſtantia, nullis verbôrum deduci poſſet illecebris; omnis tormentorum acerbitas in eam convertitur: nerviſenim búbulis gravifſimè caſa, in obſcuriſſimum carcerem detrúditur, ubi eſt omni humana ope deſtituta, divinitus tamen curata fuit. R. Afferentur.

Lectio VIII.

Quod ubi ſenſerunt Chriſtiana fidei hoſtes, eo furôris atque deméntiæ progréſſi ſunt, ut in eam, & carceris maceratiône, & lâmpadam aduſtiône, & mamillarum præciſiône ſuam omnem crudelitatem deprômplerint. Neque tamen hiſconténtus Dioſcorus, paternæ charitatis proſus oblitus, filia ſua manu caput amputare non dubitavit. Cuius anima in cælum ad dúplicem Virginitatis & martyrij palmam evolavit. R. Prudentes Virgines.

In tertio Nocturno.

Lectio IX.

*Lectio Sancti Evangelij secundum Mat-
thæum. Cap 25.*

In illo tempore: Dixit Iesus discipu-
lis suis parabolam hanc: Simile est
regnum cælorum decem Virginibus, quæ
accipientes lampades suas exierunt ob
viam sponso & sponsæ. Et reliqua.

Homilia sancti Ioannis Chryostomi.

Hom. 17. in Matt. circa medium.

Post ingentes labores, post incredibi-
les sudores, & acerrimas pugnas,
post trophæa quæ de naturæ rabie statu-
erunt resurgunt cum dedecore, & lam-
pâdibus earum extinctis, terram aspici-
entes recedunt. Nihil sanè tenebrôsius
est, quam virginitas oleo carens; unde
sic vulgò multi, immisericordes tenebrô-
sos solent appellare. *R.* Hæc est Virgo
sapiens.

Lectio X.

Quid igitur ex virginitate lucrata
sunt, quæ nec Sponsam quidem
viderunt, nec saltem ad pulsandum usq;
pervenérunt, sed terribile illud verbum
audiré: Abite, nescio vos. Quod
cum ipse dixerit, nihil aliud quam ge-
hénna, & intolerabilis cruciatus relin-

quitur: imò verò etiam gehénna istud
verbum grávius est; hoc verbum ope-
rantibus etiam iniquitatem dixit.

R. Media nocte.

Lectio XI.

Vigilate, quia nescitis diem neque ho-
ram, Crebro id réperit, ut igno-
rantiam diei exitus ab hac vita utilem
esse ostendat. Vbi sunt ergo, qui per to-
tam vitam desidia torpescunt, & quan-
do à nobis admonentur respondere non
dúbitant, ómnia se pauperibus morien-
di tempore relicturos: Audiant hæc ver-
ba, & emendent se, multi enim abundi
tempus expectantes, ita repentè rapti
sunt, ut nec iniungere suis quidquam
potuerint. *R.* Induit me Dominus.

Lectio XII.

Sed hæc quidem parabola, eius eleê-
mosinæ grátia, quæ cum pecunia con-
ficitur, dicta est. Cur autem hæc para-
bola sponsum addúcit? ut videas, quan-
tum virginibus afficitur Christus ijs, quæ
sua pauperibus erogant: hæc enim &
vera virginitas est: Nam & Paulus huic
rei hanc descriptionem attribuit dicens,
innúpta sollicita est de ijs, quæ Dómi-
ni sunt, ut sit sancta corpore & spiritu.
R. Simile est regnum.





A P P R O B A T I O.

OFFICIA Patronorú Regni Poloniæ, olim laboriosè collecta,
& nunc usui Fratrum Patrum sub Regula Sancti BENEDICTI
religiosè viventíú accommodata, ut Imprimantur permittit:

M. ANDREAS KUCHARSKI, S. Th. Dóct: & Professor, Canonicus
Cracoviensis eiusdèque Diœcesis Librorú Censor. *mppr.*







13/89

DW 16/15/XII

600.—

400.—

V/811/2

16.11.16

440.—

200.—





SIOTR0022916

Biblioteka Jagiellońska

